

بسم اللہ الرحمن الرحیم

داغ ماتم

(جلد دوم)

نوحہ جات 2002 عیسوی

معجزات قلم

شہزادہ فصیح البیان

السید محمد جعفر الزمان نقوی البخاری

مصنف کا نام : مخدوم السید محمد جعفر الزمان نقوی البخاری

کتاب : داغِ ماتم جلد دوم

مرتب : مہتاب اذفر

تکنیکی معاونین : علی رضا، بلال حسین

سنہ اشاعت : 2012ء

تعداد : 1000

ایڈیشن : اول

پرنٹرز : فدرک پرنٹنگ پریس لاہور

پبلشرز : القائم ویلفیئر ٹرسٹ (رجسٹرڈ) کراچی

کمرہ نمبر 11 اے اینڈ کے چیمبر 14 ویسٹ اینڈ و ہارف روڈ

کراچی نمبر 2 پوسٹ کوڈ 74000 پاکستان

فون نمبر : 021-3220537, 32311979, 32311482

Email-klbehaidar@yahoo.com

ملنے کا پتہ : المنظرین پبلیکیشن جن شاہ ضلع یہ

فون نمبر : 0606460259

ویب سائٹ : www.Khrooj.com

www.jammanshah.com

Email.jammanshah@gmail.com

ISBN-969-8809-

هو السبوح القدوس اللرب الملائكة و الروح هو البديع الانوار والارواح
يا مولا كريم عجل الله فرجك و صلوات الله عليك

انتساب

اُس محسن اعظم صلوٰۃ اللہ علیہ کے نام کہ جنہوں نے اپنے بے
پایاں اور بے کراں کرم سے ہم سب کو عزاداری اور
نوح خوانی برائے دعائے تعجیل فرج آل محمد علیہم الصلوٰۃ والسلام کا
شعور عطا فرمایا

جمعہ نقوی

﴿یا مولا کریم﴾

عَجَلَ اللَّهُ فَرَجَكَ وَصَلَوَاتُ اللَّهِ عَلَيْكَ

فہرست

نمبر شمار..... موضوع..... مطلع..... صفحہ نمبر

- | | | |
|----|--|---|
| 1 | تیاری از مدینہ | 1 |
| | ٹرے محمل جسم سینیں دے رہی ویندے قدم رو کیندی | |
| 3 | تیاری از مدینہ | 2 |
| | مظلوم نے سین دے سفر ادا اعلان جڈاں فرمایا | |
| 5 | تیاری از مدینہ | 3 |
| | لایا اکبر جاں ہمشیر گوں گل خود رب داعرش ہلاڈتا | |
| 7 | تیاری از مدینہ | 4 |
| | اے بابا عون و محمد دا ہے میکوں صاف نظر دا | |
| 9 | تیاری از مدینہ | 5 |
| | توں بھین دی من کے چن اکبر رہ گھر ہمشکل نبی دا | |
| 11 | تیاری از مدینہ | 6 |
| | دھیاں کوں تساں رو کوامڑی | |

- 7 تیاری از مدینہ 13
- 8 تیاری از مدینہ..... بیڑا پاک 15
- 9 داخلہ کر بلا معلیٰ 17
- 10 بندش آب 19
- 11 جناب امیر مسلم علیہ الصلوٰۃ والسلام 21
- 12 شہزادہ علیؑ اصغر علیہ الصلوٰۃ والسلام 23
- 13 شہزادہ علیؑ اصغر علیہ الصلوٰۃ والسلام 25
- 14 شہزادہ علیؑ اصغر علیہ الصلوٰۃ والسلام 27
- 15 لوری شہزادہ علیؑ اصغر علیہ الصلوٰۃ والسلام 29
- 16 شہزادہ علیؑ اصغر علیہ الصلوٰۃ والسلام 31
- 7 تیاری از مدینہ
- 8 تیاری از مدینہ..... بیڑا پاک
- 9 داخلہ کر بلا معلیٰ
- 10 بندش آب
- 11 جناب امیر مسلم علیہ الصلوٰۃ والسلام
- 12 شہزادہ علیؑ اصغر علیہ الصلوٰۃ والسلام
- 13 شہزادہ علیؑ اصغر علیہ الصلوٰۃ والسلام
- 14 شہزادہ علیؑ اصغر علیہ الصلوٰۃ والسلام
- 15 لوری شہزادہ علیؑ اصغر علیہ الصلوٰۃ والسلام
- 16 شہزادہ علیؑ اصغر علیہ الصلوٰۃ والسلام

- 33 جھولا پاک شہزادہ علیؑ اصغر علیہ الصلوٰۃ والسلام 17
- زندگی بھر میں چن علیؑ اصغر روز جھولیاں
- 35 شہادت شہزادہ علیؑ اصغر علیہ الصلوٰۃ والسلام 18
- آکھے معصومہ بابا بیٹھے لحد تیار کریندے ہن
- 37 وداع مقتل، شہزادہ علیؑ اصغر علیہ الصلوٰۃ والسلام 19
- اے دھرتی کرب و بلا دی میڈا اصغرؑ ہے پیار دعا دی
- 39 چہلم پاک، بین والدہ شہزادہ علیؑ اصغر علیہ الصلوٰۃ والسلام 20
- سرتاج میں ہاں پندی اصغرؑ ولا ڈے میکوں
- 41 شہزادہ علیؑ اکبر علیہ الصلوٰۃ والسلام 21
- آکھے اکبرؑ روکے امڑی کوں تہا کوں درد سنانوں آیا ہاں
- 43 وصیت شہزادہ علیؑ اکبر علیہ الصلوٰۃ والسلام 22
- تساں امڑی وطن تے ول ویسوا حسان ایہو فرما ہے چا
- 45 شہزادہ علیؑ اکبر علیہ الصلوٰۃ والسلام 23
- علیؑ اکبرؑ وچ دنیا دے گھن سہریاں دی امید
- 47 شہزادہ علیؑ اکبر علیہ الصلوٰۃ والسلام 24
- میڈا اکبرؑ تیکوں میں جھولی وچ آسمہانواں
- 49 آذان، شہزادہ علیؑ اکبر علیہ الصلوٰۃ والسلام 25
- ہمشکل پیغمبرؑ آج دی شب ڈے آخری توں آذان
- 51 شہزادہ علیؑ اکبر علیہ الصلوٰۃ والسلام 26
- آؤکل بھر جائیاں کولھ میڈے میں اکبرؑ

- 27 تیاری از خیام، شہزادہ علی اکبر علیہ الصلوٰۃ والسلام 53
- میڈا خالق پاک گواہی ڈے پیاں میں جو پتر ٹریندا
- 28 شہادت شہزادہ علی اکبر علیہ الصلوٰۃ والسلام 55
- ٹرزانواں بھار غریب سید جڈاں پتر کوں آ گل لایا
- 29 شہادت شہزادہ علی اکبر علیہ الصلوٰۃ والسلام 57
- پھل باہر آیا جڈاں سینے توں کھرام ایہو جیہاں تھیا
- 30 شہزادہ امیر قاسم علیہ الصلوٰۃ والسلام 59
- پڑھی، برے وصیت بابے دی ہاکم جاں چن گھبرانویں
- 31 شادی شہزادہ امیر قاسم علیہ الصلوٰۃ والسلام 61
- میڈا خالق ویردے چن کوں پیاں سہرہ سگن دا پیندا
- 32 شہادت شہزادہ امیر قاسم علیہ الصلوٰۃ والسلام 63
- مظلوم سید جڈاں برے دا کوئی برگ زمین توں چنڈائے
- 33 شہزادہ امیر قاسم علیہ الصلوٰۃ والسلام 65
- ناراض نہ تھیویں چن قاسم میں بن وچ آ نہیں سنگدی
- 34 شہزادہ امیر قاسم علیہ الصلوٰۃ والسلام 67
- ہے رورو آ ہدی بیوہ ماتوں بنری نجف پچا بنرا
- 35 شہادت شہزادہ امیر قاسم علیہ الصلوٰۃ والسلام 69
- غریب سید بنے کوں ڈٹھا کتھائیں عمامہ عبا کتھائیں ہے
- 36 باراٹ شہزادہ امیر قاسم علیہ الصلوٰۃ والسلام 71
- جیویں پئی آندی ہے جج قاسم دی سروچ خاک روا کے

- 37 مہندی پاک، شہزادہ امیر قاسم علیہ الصلوٰۃ والسلام 73
- ہے پھوپھیاں آپ تیار کیتی آج لوہنجواں دے نال
- 38 شہزادہ امیر قاسم علیہ الصلوٰۃ والسلام 75
- ہے شادی سوہنٹریں لعل دی جو حسن د لعل ہے
- 39 وری، شہزادہ امیر قاسم علیہ الصلوٰۃ والسلام 78
- ہامی حسرت مدت دی دل دے وچ چا آئی ہاں
- 40 وری، شہزادہ امیر قاسم علیہ الصلوٰۃ والسلام 81
- ڈیکھو سینیں چا گھن آئی ہے پاک بنے دی ما
- 41 شہزادہ امیر قاسم علیہ الصلوٰۃ والسلام 83
- اپنے لعل دیاں خوشیاں ماہر حال منیدی ہے کیوں جو
- 42 مہندی، شہزادہ امیر قاسم علیہ الصلوٰۃ والسلام 85
- مہندی کیوں لاناواں امڑی مہندی راس نہ آ سنگسی
- 43 جناب شہنشاہ و کردگارِ وفا علیہ الصلوٰۃ والسلام 87
- افسوس دے جیویں ہتھ مل کے میں لتھاں من دریاتے
- 44 جناب شہنشاہ و کردگارِ وفا علیہ الصلوٰۃ والسلام 89
- تہاکوں امت امان پئی ڈیندی ہے میڈی من توں
- 45 جناب شہنشاہ و کردگارِ وفا علیہ الصلوٰۃ والسلام 91
- منہ نجف دو کر عباس آ کھن نمی دل برداشت کریندا
- 46 جناب شہنشاہ و کردگارِ وفا علیہ الصلوٰۃ والسلام 93
- گستاخ امت کوں ڈتا یکدم بھڑا

95	جناب شہنشاہ و کردگارِ وفا علیہ الصلوٰۃ والسلام	47
	نہ بھلسی تیڈیاں بھینیں کوں کڈا ہیں تہاڈی وفا غازی	
97	جناب شہنشاہ و کردگارِ وفا علیہ الصلوٰۃ والسلام	48
	رو آکھن غازی یا میکوں بن وِچ تلوار اٹھانوں ڈیو	
99	جناب شہنشاہ و کردگارِ وفا علیہ الصلوٰۃ والسلام	49
	تہاڈے آخری لمحے ہن ویرن احسان غریب تے لا	
101	شہادت جناب شہنشاہ و کردگارِ وفا علیہ الصلوٰۃ والسلام	50
	وین کریندی ہے عون دی امڑی بن وِچ ہے تڑپاندی	
103	جناب شہنشاہ و کردگارِ وفا علیہ الصلوٰۃ والسلام	51
	جڈاں خالی آوے، فضل دی ما! ہے ہر مستور نپیندی	
105	شب عاشور	52
	عاشوردی شب ڈسیا معصومہ بیٹھے بابا چراغ بجھیندے ہن	
107	شب عاشور	53
	عاشوردی شب آکھے سین میکوں کل آل عبادا ہے چنتا	
109	شب عاشور	54
	رات ڈاھویں دی خیمے وِچ ہے سید نیر و ہیندا	
111	شب عاشور	55
	آج رات ہر خیمے دے باہروں و دے چکر عباس کئیندن	
113	شب عاشور	56
	ہووی بابے داسینہ آج دی شب کل سمہن دی سدھر لہاگن	

115	شب عاشور	57
	اساں رونوناں ہے بہوں عرصے تائیں	
117	روز عاشور، سرکار امام محمد باقر علیہ الصلوٰۃ والسلام کا فرمان	58
	ہے حکم جناب باقر داجڈاں ڈینہ عاشور دا آوے	
119	شہادت عظمیٰ	59
	کوئی وَنِج اکبرگوں آکھے میکوں پکڑ رکاب لہاوے	
121	شہادت عظمیٰ	60
	پئی بارش و سدی ہے پھلاں دی	
123	شہادت عظمیٰ	61
	رور و آکھے عون دی امڑی بھائیاں تے نہیں ظلم و سیندے	
125	شہادت عظمیٰ	62
	جبریل عباس دی شکل دے وِچ میڈی مدد کیتے نہ آتوں	
127	شہادت عظمیٰ	63
	آکھے معصومہ میکوں رستہ ڈیو میں بابے کوں	
129	شہادت عظمیٰ	64
	نہ کراظہار غریبی دامیڈا ویرن پاک شبیرے	
131	شہادت عظمیٰ	65
	ذرا کرتوں خوفِ خدا ظالم بابے تے ظلم و سناہیں	
133	شام غریباں	66
	مظلوم دیاں ہیں اساں او بھینیں	

135	شامِ غریباں	67
	جڈاں الحافظ دی ہسل ڈتی میڈی سین نے	
137	شامِ غریباں	68
	میکوں پتر سجا دڑسا ایں جاہ نہیں دفن کریندیاں مانواں	
139	روانگی از کر بلا	69
	دیکھ ساڈا حال غازی	
141	روانگی از کر بلا	70
	ٹرپنی دکھیا صحرا وچ ویر سمہا کے	
143	بازارِ شام	71
	لکھاں شرماں نال شریف عابد	
145	بازارِ شام	72
	سجا دڑا کھن رو پھوپھیاں کوں ایہود در دگیا ہم جگر کوں کھا	
147	معصومہ سین پاک سلواۃ اللہ علیہا	73
	کوئی وَنجِ اصغر گوں آکھے میں سارے درد نبھیاں	
149	معصومہ سین پاک سلواۃ اللہ علیہا	74
	سجا دھرا میڈے کفن اتے چا نام لکھا علیٰ اصغر دا	
151	معصومہ سین پاک سلواۃ اللہ علیہا	75
	لوریاں میکوں ویرا اصغر دیاں یاد آنون	
153	معصومہ سین پاک سلواۃ اللہ علیہا	76
	رو آکھے معصومہ کوئی وَنج کے آکھے اے	

155	معصومہ سین پاک صلوات اللہ علیہا	77
	ایں شام دے وچ جو قید ہونون کیا ویر رہا اوتھیندن	
157	چہلم، واپسی درکر بلا معلیٰ	78
	سجاد بیڑائی سجدہ گاہ رورو کے خاک شفا دی	
159	چہلم، واپسی درکر بلا معلیٰ	79
	میں ویر تہا کون ملن آئی ہاں بھر جائیاں نال رلا کے	
161	چہلم، واپسی درکر بلا معلیٰ	80
	میڈا وعدہ ہے نال معصومہ دے میں واپس شام	
163	چہلم، واپسی درکر بلا معلیٰ	81
	نمہی منگدی ویر میں چن اکبر ایہا بھین کوں ویر دعاڈے	
165	چہلم، واپسی درکر بلا معلیٰ	82
	ستونجھا محل گھن گئی ہم آئی ہاں کتنے بچا توں خود گنہ گھن	
167	چہلم، واپسی درکر بلا معلیٰ	83
	آکھے ما قاسم دی غازی کوں میں ایں جاہ چن پر نایا ہا	
169	چہلم، واپسی درکر بلا معلیٰ	84
	سرتاج میڈا دل چاہندا ہا تہا کوں آ معصوم ملانواں ہا	
171	چہلم، واپسی درکر بلا معلیٰ	85
	ہوندائے پانی زندگی مچھلی دی	
173	چہلم، واپسی درکر بلا معلیٰ	86
	عباس تہاڈا جابر نے جڈاں حکم سنایاے خوش تھئی ہاں	

- 87 چہلم، واپسی در کر بلا معلیٰ 175
- جوکارواں ہے سرحد کرب و بلا تے آگیا
- 88 چہلم، واپسی در کر بلا معلیٰ 177
- ہر قدم تے علماں والے داکل بھینیں نام
- 89 شہادت سرکار امیر المؤمنین علیہ الصلوٰۃ والسلام 179
- لگی ضرب مرتضیٰ کون تقدیر روندی رہ گئی
- 90 شہادت سرکار امیر المؤمنین علیہ الصلوٰۃ والسلام 181
- کرورخصت اپنے بابے کون آج میڈی رات
- 91 شہادت سرکار امیر المؤمنین علیہ الصلوٰۃ والسلام 183
- کیں رنگ دی مسجد وچ بابتساں کر کے نماز ادا آئے ہو
- 92 شہادت سرکار امیر المؤمنین علیہ الصلوٰۃ والسلام 185
- پھل وسدے ڈیکھ کے حسن اُتے عباس جلال انج آ نہیں
- 93 شہادت سرکار امیر المؤمنین علیہ الصلوٰۃ والسلام 187
- کل بھینیں حسن دی لاش اُتوں پٹھیاں زخمی کفن
- 94 شہادت سرکار امیر المؤمنین علیہ الصلوٰۃ والسلام 189
- جڈاں لاش حسن دی واپس آئی پچھیا ماتوں قاسم آ کے
- 95 جناب سید الساجدین علیہ الصلوٰۃ والسلام 191
- صبراں دی مملکت دا ہے سجاو تاجدار
- 96 جناب سید الساجدین علیہ الصلوٰۃ والسلام 193
- غیرت دے صدمے توں رہیا سجاو داجاری لہو

- 97 جناب سید الساجدین علیہ الصلوٰۃ والسلام 195
کوئی آکھے عون دی امری کوں منہ لعل دا ڈیکھن آ نون
- 98 جناب سید الساجدین علیہ الصلوٰۃ والسلام 197
میڈا باقر لعل توں جائز داہیں میکوں کیڑھا درِ جگر ہے
- 99 جناب امام محمد باقر علیہ الصلوٰۃ والسلام 199
فرمایا امام باقر نے ساڈے ٹرن دی ہنڑ رت آئی ہے
- 100 جناب محسن پاک علیہ الصلوٰۃ والسلام 201
جب لاشیں دوہیں پھران کا کیوں اک تابوت بنایا ہے
- 101 وصیت مخدومہ ملکہ عالمین صلوٰۃ اللہ علیہا 203
جڈاں غازی آوے دنیا تے میڈی طرفوں
- 102 وصیت مخدومہ ملکہ عالمین صلوٰۃ اللہ علیہا 205
تساں میڈے کسن محسن دی نہ وکھری قبر بڑا ہے
- 103 جناب محسن پاک علیہ الصلوٰۃ والسلام 207
محسن دی لاش کوں سین میڈی پا جھولی وچ فرمایا
- 104 جناب پیر مدینہ صلوٰۃ اللہ علیہا 209
جیڑھی بھین دے مانڑ بھرانواں دے
- 105 ذرا سوچ توں میڈا چن اکبر کیویں جیواں 211
- 106 شہادت مولا امام حسن عسکری علیہ الصلوٰۃ والسلام 213
میڈا کسن مہدی لعل ڈسا کیویں کر ہر رسم ادا یا نئیں
- 107 یارب ہنڑتاں پوری ہووے ساری آل عبادی حسرت 215

یا مولا کریم

﴿نوحہ پاک﴾

ٹرے محمل جسم سینیں دے رہی ویندے قدم روکیندی
کوک بیمارِ مدینہ دی

ٹر گئے محمل پر دور تائیں رہی ہر دے قدم جھلیندی

.....

چن علی اکبر گھوڑے تے ہسوار جڈاں تھی ٹریا
ویندے ویر جوان دا رہ گئی دامن آپ نپیندی
کوک بیمارِ مدینہ دی

.....

ما اصغر دی چا کمسن ہسوار تھئی محمل تے
سین دے دل کوں دور تائیں رہی درد کونوں زخمیندی
کوک بیمارِ مدینہ دی

.....

غازی مل دکھیاً کوں آئے ، ہن نیر اکھیں توں جاری
 سارے سفر اچ غازی کوں رہی درد دی ہک چھک لیدی
 کوک بیمارِ مدینہ دی

.....

مظلوم کوں ملناں دختر دا بنڑ زخم گیا ہک دل دا
 رہی ہر ہر قدم تے کربل تائیں مظلوم دا صبر ازمیدی
 کوک بیمارِ مدینہ دی

.....

جعفر ساڈے وارث کوں آج توڑیں نال ڈکھاں دے
 بنڑ کے درد انگیز دعا ہے حسرت نال سڈیدی
 کوک بیمارِ مدینہ دی

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

مظلوم نے سینے دے سفران دا اعلان جڈاں فرمایا
 ہک وس گئی قیامت غازی تے
 تطہیر دے پردہ داراں دے جڈاں سفران دا ناں چایا

بنڑی جاں فہرست مسافراں دی کل سینیں ناں لکھوائے
 جسدِ فہرست دے وچ آ کے ما عون دی ناں لکھوایا
 ہک وس گئی قیامت غازی تے

سامان بدھے ، تیار تھئے ، بیٹھے آ کل محل در تے
 وچ ویڑھے دے جڈاں بی بی نے سر پاک تے برقعہ پایا
 ہک وس گئی قیامت غازی تے

ڈُٹا حکم شبیرِ تیری دا آئیاں کل ہم سینیں در تے
 جڈاں قدم رسول دیاں دھیاں دا دلہیز توں باہر آیا
 ہک وس گئی قیامت غازی تے

جڈاں محملاں تے ہسوار تھیاں تطہیر قدیر دیاں سینیں
 جڈاں عالیہ سین کوں چن ویرن محل تے سوار کرایا
 ہک وس گئی قیامت غازی تے

جعفر عباس دیاں خوشیاں دی آوے جلدی رُت دنیا تے
 تاریخ وفا اے آہدی ہے جڈاں محل سین ٹرایا
 ہک وس گئی قیامت غازی تے

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

لایا اکبرؑ جاں ہمیشہؑ کوں گل خود رب دا عرش ہلا ڈتا
اُلفت بھین بھرا دی
میڈی سینؑ دے دسدے ویڑھے کوں یکدم پر سوگ بنڑا ڈتا

ملے بھین بھرا تاں محملاں وچ کھرام پیا ہو گیا
ایسا جذباتی منظر ہا شبیرؑ کوں آپ رُوا ڈتا
اُلفت بھین بھرا دی

عاشور دے ڈینہ ہمیشراں توں یاد آ گیا رُخصت ہونون
مظلومؑ دے نازک دل دے وچ ہک غم دا حشر جگا ڈتا
اُلفت بھین بھرا دی

عبّاس کوں آخری ملنی ہئی پئی بھین بھرا دی ڈسدی
 غیور دے جگر کوں وقت وداع خاموشی وچ زخما ڈتا
 اُلفت بھین بھرا دی

.....

ڈٹھا منظر ملن دا عون دی ما آیا مستقبل اکھیاں وچ
 مظلوم دا بھین کوں مل ٹرناں بے موقع یاد ڈیوا ڈتا
 اُلفت بھین بھرا دی

.....

آوے جعفر جلدی حسن دا چن ڈیکھے سارا گھراے رل کے
 کونین کوں عرش توں فرش تائیں ہے جنت وانگ سجا ڈتا
 اُلفت بھین بھرا دی

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

اے بابا عون و محمدؑ دا ہے میکوں صاف نظردا
میڈے پاک بھرا ول نہیں ولناں
میں سمجھ گئی ہاں جیڑھا ڈسدا پئے میکوں آج انداز سفر دا

.....

میں گھنن اجازت تہوں آئی ہاں میکوں پاک بھرا دے چنتے ہن
جیویں مونجھا ہے وچ زندگی دے آج بابا علی اکبر دا
میڈے پاک بھرا ول نہیں ولناں

.....

یا میکوں سفر توں نہ روکو یا ویر میڈے کوں روک گھنو
شالا میڈا ویر سلامت رہ اے ہے آسرا سارے گھر دا
میڈے پاک بھرا ول نہیں ولناں

میکوں ویر دیاں اکھیاں توں لگدائے جیویں کلہیں بہہ رو آئے ہن
 ایں گالھ توں میکوں پک تھی گئے ، تہوں ودھ گئے درد جگر دا
 میڈے پاک بھرا ول نہیں ولناں

ہر صورت ویر دے نال ویساں ہر حال بچپساں میں اینکوں
 جیڑھے حال دا ویرن ٹردا پئے بھل ہوش گیم چادر دا
 میڈے پاک بھرا ول نہیں ولناں

جعفرؑ ایں سین دا ویر وسے جو ہن سرتاج کوں رو آہدے
 جیویں درد بھریا میں ڈیکھ آئی ہاں حال اپنے پیکے گھر دا
 میڈے پاک بھرا ول نہیں ولناں

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

توں بھین دی من کے چن اکبر رہ گھر ہمشل نبی دا
مظلوم دا کوئی تاں بچ ویسی
میں راضی ہاں ایں موقعے تے دل تروڑ نہ بھین ڈکھی دا

میڈے پورے تھیں ترائے مقصد، ہک بھین تیڈی خوش تھیں
بیا تیڈے سنون سگن تھیں، مل ویسی سکھ زندگی دا
مظلوم دا کوئی تاں بچ ویسی

تیڈی بھین دی خواہش وچ اکبر میڈا مقصد وی تر ویسی
میڈے کیتے اے گالھ خوشی دی ہے گھر رہ پو لعل علی دا
مظلوم دا کوئی تاں بچ ویسی

ساڈے نال جو ویسی کربل وِچ نہ واپس وطن تے آسی
 تہاڈا وطن تے رہن مناسب ہے من مشورہ بھین اُجڑی دا
 مظلوم دا کوئی تاں بچ ویسی

تہاڈی زندگی نال ہن وابستہ کل خوشیاں سارے گھر دیاں
 میں خوش تھیں بچ مان ویسی تہاڈی بھین تے پاک پھوپھی دا
 مظلوم دا کوئی تاں بچ ویسی

جعفر ڈیکھے او پاک سخی ول پتر جوان دی شادی
 جو پتر کوں رو فرمیںدے ہن گھر ٹک پو مان امڑی دا
 مظلوم دا کوئی تاں بچ ویسی

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

دھیاں کوں تساں روکو امڑی ساڈے نال نہ سفریں جانوں
غازی دے نہ درد ودھانوں

تساں ہو امڑی تہاڈی منین ایہا غریب تے منت لانون

.....

اے پر خطر سفر ہے امڑی مرد تاں اوکھ نبھا وی سنگدن
تساں اے گالھ دھیاں کوں آکھو نال جلن دا نام نہ چانون
غازی دے نہ درد ودھانوں

.....

مریم دی عصمت ہے طواف آ انہاں دی نعلین دا کردی
دل ہے ایہو ہر ویر دا چاہندا قدم انہاں دے باہر نہ آنوں
غازی دے نہ درد ودھانوں

.....

شامی کوئی بدفطرت ہن اے ہن پاک رسولؐ دیاں دھیاں
 شام دے بارے سوچ کے روندائے نہ اپنا چن ویر رُونوان
 غازی دے نہ درد ودھانوں

ساڈے بعد انہاں کوں ظالم شام عراق دے شہر پھرین
 غازی تاں اے سوچ نہیں سنگدا ویر دی غیرت نہ ازمانوں
 غازی دے نہ درد ودھانوں

جعفرؑ جسدِ خوشیاں ہوسن آنسو خوشی دے ڈیکھ کے جاری
 آکھسن امڑی پاک کوں آقا ہنڑ نہ ڈکھیاں نیر وہانوں
 غازی دے نہ درد ودھانوں

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

رہو وطن اُتے تساں عون دی ما اکبر کوں نال رہا کے
 میڈا دل ٹھہری
 تہاڈے پردے نال علی اکبر دا اے پاک شباب بچا کے

میڈے وِجن دے بعد ایں بچڑے کوں چا سہرے سگن دے پانویں
 میڈے سارے دُکھ تہا کوں بھل ویسن علی اکبر کوں پرنا کے
 میڈا دل ٹھہری

میڈی قسمت بھین شہادت ہے توں مس لہندا بچوا گھن
 چا سگن کرا ہے بچڑے دے میڈے سارے زخم بھلا کے
 میڈا دل ٹھہری

بچڑے کوں پوا ہے جاں سہرے تربت تے ضرور اوا ہے
 مس لہندے چن کوں گھن آسو جڈاں قبر تے سہرے پا کے
 میڈا دل ٹھڑی

تساں شام دے سہرتوں بچ ویسوا تھاڈا پتر وی بنرا بنڑ ویسی
 میڈی تربت تے جڈاں لنگھ آسو تساں نونہہ تے پتر رلا کے
 میڈا دل ٹھڑی

جعفر ہنڑ او مظلوم و سہ جو بھین کوں رو فرمیںدے ہن
 تساں آسو میڈی تربت تے جڈاں بنرا پتر بنڑا کے
 میڈا دل ٹھڑی

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

بیڑا مسافراں دا مصروف ہے سفر وِچ
 ٹر پئے یکے مسافر نکھڑی ٹکا کے گھر وِچ

جسدم مدینے کولہوں بیڑا ہویا روانہ
 وینڑاں کنوں ہا ہلدا سرور دا آستانہ
 بیمار دھی کوں ڈٹھا روندنا جاں کھڑ کے در وِچ

ذوالحجہ دی نوں کوں اُٹھیاں درد و الم دیاں موجاں
 مسلم دی جوڑی لوڑھی ظلم و ستم دیاں موجاں
 تاریک دنیا ہو گئی عباس دی نظر وِچ

وِج کربلا دے اُٹھیا طوفان انجہ جفا دا
 ہر سین کوں ہا چنتا اولاد تے ردا دا
 غازی لتھا جاں سیڑھ اِج خم پئے گیا کمر وِج

بیڑے دا ودھیا خطرہ جسم ودھی روانی
 بالاں دے نال لڑھ گئی اکبر دی وی جوانی
 ٹریا ناخدا بھی رکھ کے پردے دا غم جگر وِج

بیمار جو ملاح ہا ، طوفاں اوہو بچایا
 سادانیاں دا پور اوں جڈاں شام وِج بچایا
 آیا لہو جگر دا غیرت توں چشم تر وِج

ساڈا آقا ہنڑ ملاح دی محنت کوں رنگ لاوے
 جعفر دا سائیں اے بیڑا وطنیں ولا گھن آوے
 ہر سین وسدی رہوے ہردم ول اپنے گھر وِج

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

عبّاس بھرا میکوں ڈس آ کے اے نگری کرب و بلا تاں نہیں
جھتاں دیرے ویر پیا لیندائے ساڈے گھر اُجڑن دی جاہ تاں نہیں

.....

ساکوں کربل لعل ولا ڈیویں ساکوں پاک بھرا فرمایا ہا
ایں جاہ تے آ کے ڈس غازی تھیںسی میں توں لعل جدا تاں نہیں

.....

ساکوں ڈسیا ہئی اساں کربل وِچ وَنچ قاسم کوں پرنا نوناں ہے
ایں بن وِچ قاسم پا سہرے کر ویسی بنی بیوہ تاں نہیں

.....

کیوں ایں جاہ آ کے چن غازی تہاڈے چہرے دارنگ بدل گئے
اتھاں چھوڑنا ساتھ ہم شیراں دا تہاڈی بے عیب وفا تاں نہیں

.....

ساکوں اے بھی ویر ڈسایا ہا ڈیساں آخری سجدہ کربل وِچ
 ساکوں چھوڑ ڈکھاں وِچ ویر ساڈے اتھاں کرنی نماز ادا تاں نہیں

.....

وسے جعفر ہنڑاں سین دا گھر جو ہے حسن دے لعل کوں رو آہدی
 ساڈا گھر پاک وسانون وِچ چن اتی دیر توں لا تاں نہیں

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

وِج کربلا دے ہر اُتے شدت دی پیاس ہے
ہر فرد تے علیحدہ حقیقت دی پیاس ہے

کاسہ بدست بالاں دی آوازِ اعطش
سنڑ دے کھڑن جوان قیامت دی پیاس ہے

اصغر اُتے معصومہ دی خود ڈیکھ تشنگی
غازی دے زخمی دل کوں شہادت دی پیاس ہے

ہمشکل مصطفیٰ دیاں اکھیاں دے وِج ہے تس
ڈاڈھی حبیبِ حق دی زیارت دی پیاس ہے

ہر توں زیادہ تشنہ ہے مظلومؑ کربلا
لیکن ہک اتصال بہ وحدت دی پیاس ہے

شمشیرِ انتقام کوں جعفرؑ اجاں تائیں
دشمن دے خونِ تازہ دی لذت دی پیاس ہے

﴿آمین یا رب العالمین﴾

الْحَمْدُ لِلّٰهِ وَشُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيفُ

یا مولا کریم

﴿نوحہ پاک﴾

آکھن مسلم پاک دیاں دھیاں مونجھا ہے بہوں دل بھینیں دا
ساکوں خبر منگا ڈیو بھائیاں دی
خیر دی خبر وی کوئی نہیں آئی ظالم ہے کوفہ شہر سسریندا

خواب عجیب عجیب نظردن ویر کڈاویں قیدی ڈسدن
وچ زندان دے روندے ڈسدن درد توں ہے ساڈا جگر چریندا
ساکوں خبر منگا ڈیو بھائیاں دی

رات کوں امری چن پتراں دے چولے چا کے روندے رہندن
پاک امری دا لک کے رونون ساکنوں اے برداشت نہیں تھیندا
ساکوں خبر منگا ڈیو بھائیاں دی

روندیں ساڈی ہے رات گزردی نندر آوے تاں ہے دل پھٹدا
منڑ دریا تے ہتھ حارث دے ساکوں ہے ہر ویر ڈسیندا
ساکوں خبر منگا ڈیو بھائیاں دی

.....

کہیں ویلے ہن خواب اج ڈسدے پڑھدے ہوئے ہک بے دے جنازے
جیرھے رنگ رُخسار دے ڈسدن ، ساکنوں ویر نہیں کوئی سنجڑیندا
ساکوں خبر منگا ڈیو بھائیاں دی

.....

جعفرؑ وس پونون او بھینیں جو ہن آہدیاں رو مامے کوں
عید مبارک دے عیوض اج ، صدقہ جنت دیاں سینیں دا
ساکوں خبر منگا ڈیو بھائیاں دی

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

ڈیکھ کے خشک ہونٹ اصغر دے درد توں علقمہ بھی روندی ہے
ڈیکھ کے پیاس سین دے چن دی پیاس دی انتہا بھی روندی ہے

.....

بن دے وِچ جنیں ویلے زباں اصغر خشک ہونٹاں اُتے پھریندا ہے
اپنے معصوم دی غریبی تے بن دے وِچ مامتا بھی روندی ہے

.....

چا کے اپنی کمان جنیں ویلے شست ظالم بدھیندا ہے گل تے
ڈیکھ معصوم دی نزاکت کوں ظلم دی ہر ادا بھی روندی ہے

.....

جنیں ویلے چھک کمان کوں ڈیندائے لاش عباس دی تڑپدی ہے
کردگارِ وفا دی حالت تے سر جھکا کے وفا بھی روندی ہے

.....

آندے ہوئے تیر دی تمازت تے ، حلق معصوم دی نزاکت تے
 ما دے ہونٹاں تے پاک لوری دی دل شکستہ صدا بھی روندی ہے

.....

جعفرؑ ہنڑتاں خوشی ہو ایں چن دی جیندی معصومیت تے غربت تے
 میڈا وارثؑ ہے روندنا غیبت وِچ ، اُج تائیں اُجڑی ما بھی روندی ہے

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

ہر سال محرم وِچ آ کے ہر ما دا جگر ازمیندائے
 آج توڑیں پینگھا اصغرؑ دا
 معصوم دی کیڑھی حالت ہئی ہر ما کوں کھول ڈسیندائے

ایں سن دے بالاں تے جگ وِچ کیا ظلم مناسب ہوندن
 ایں واسطے اپنے درداں دے سارے حالات سغڑیندائے
 آج توڑیں پینگھا اصغرؑ دا

آندین کرن زیارت جاں مانواں وِچ جھولیاں دے چن پا کے
 انہاں مانواں توں نال حسرت دے انصاف اپنا طلبیندائے
 آج توڑیں پینگھا اصغرؑ دا

جڈاں بال زیارت کرن آندن معصوم دی پیاس دے قصے
 ہک ہک دے سامنے رو رو کے خود آپ بیان کریندائے
 آج توڑیں پینگھا اصغر دا

.....

بازار دے وچ جڈاں آندا ہے بٹر کے تصویر ڈکھاں دی
 ڈکھی امڑی دا بازار وچن خود عملاً آن ڈکھیندائے
 آج توڑیں پینگھا اصغر دا

.....

جعفر جاں پینگھا سجدا ہے معصوم دیاں خوشیاں منگدائے
 وسے چن اصغر کل مانواں توں خود آن دعا کرویندائے
 آج توڑیں پینگھا اصغر دا

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

نوٹ.....

اس نوحہ کے مقطع میں ایک توجہ طلب امر یہ پوشیدہ ہے کہ پینگھا یا جھولا پاک برآمد کرنے کا
 اصل مدعا کیا ہونا چاہیے اور مستورات کو اُس وقت کیا دعا کرنا چاہیے

یا مولا کریم

﴿نوحہ پاک﴾

گیا لہہ سورج تھی رات گئی جڈاں آ گئی یاد اصغر دی
پچھیں روندیں رات گزر گئی
معصوم دی ساری رات رہی ہنجواں وِچ شکل نظر دی

بلیاں شام دیاں بھاپیں ہر گھر وِچ ہر ماچن جھولی پائے
جڈاں لوری آ گئی ہونٹاں تے بے ساختہ نورِ نظر دی
پچھیں روندیں رات گزر گئی

ڈینہ لہن سیتی یاد اصغر دی کل منظر گھن کے آ گئی
ہنجواں دی سیڑھ اِچ سین ڈھٹی جڈاں لاش صغیر دی تردی
پچھیں روندیں رات گزر گئی

مانواں کوں کھیر پلانوں دا نہیں ویلھا مول وِسردا
 آیا کھیر پلانوں دا ویلھا تاں ودھ گئی ٹیس جگر دی
 پچھیں روندیں رات گزر گئی

سے درد دے منظر رات ساری رہے دل دے زخم ودھیندے
 آ یاد گیا جڈاں کوئی منظر رہی یاد نہ چادر سر دی
 پچھیں روندیں رات گزر گئی

جعفرؑ او امڑی وس پوے جیکوں سورج لہن دے ویلے
 جڈاں پیاس کنوں آ یاد گئی معصوم دے رُخ دی زردی
 پچھیں روندیں رات گزر گئی

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَةَ الشَّرِيفِ

یا مولا کریم

﴿نوحہ پاک﴾

میڈا اصغر دُکھی تیکوں سٹریسی اے تیڈی لوری
میکوں ہر موڑ تے پیہم جگجیسی اے تیڈی لوری

.....

ایں لوری دے سہارے تے میں ڈینہ زندگی دے کٹنے ہن
میکوں سفر اں دے وِچ ہردم رُویسی اے تیڈی لوری

.....

میں ہوساں نال امڑی دے او روں تہاڈیاں یاداں وِچ
دلا سے پاک امڑی کوں آ ڈیسی اے تیڈی لوری

.....

میں ونجنائے شام تے واپس ولا میں آنوناں کوئے نہیں
میڈیاں تنہائیاں کوں نت سججیسی اے تیڈی لوری

.....

میں رہنمائے شام وِچ کُھل جڈاں دل تھِیسی بہوں مونجھا
میڈا دل آ کے غربت وِچ وِلیسی اے تیڈی لوری

.....

اساں ہک ڈینہ ولا وسوں تیکوں میں جھولی ول پیسیاں
توں کھلسیں بھین تیڈی گنگنِیسی اے تیڈی لوری

.....

شالا امڑی دے سائے تے ڈیکھے جعفرؑ دا سائیں وسدا
دعا نت میڈے ہونٹاں توں کرِیسی اے تیڈی لوری

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِّ الزَّمَانِ عَجَّلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

میڈے دس ہوندا تاں ویر اصغرؑ تہاکوں وطن تے میں گھن ویندی
گھر وِچ پروان چڑھیندی تیکوں چن اصغرؑ
کربل دیاں گرم ہوائیں توں تہاکوں ہر صورت بچویندی

جیویں پاک پھوپھی نے پالیا ہا میڈے سوہنٹریں ویر اکبرؑ کوں
ایویں پردیاں وِچ میں چن ویرن تہاکوں ہر حال پلیندی
گھر وِچ پروان چڑھیندی تیکوں چن اصغرؑ

ایویں خالق کوں منظور ہوسی میڈیاں دل دیاں دل وِچ رہسن
نہ تاں ویر تیکوں پروان چڑھا میں سہرہ سگن دا پیندی
گھر وِچ پروان چڑھیندی تیکوں چن اصغرؑ

لکھاں ناز و نعم دے نال جڈاں میڈا ویر جوانی چڑھدوں
 کونین دیاں بھینیں ڈیکھن ہا جیویں تیڈے سنون کریندی
 گھر وچ پروان چڑھیندی تیکوں چن اصغرؑ

.....

تیڈے بچن دی کوئی امید نہیں جے بھین کوں توں تچ پوندوں
 تیکوں اُم العباسؑ دے وانگ اصغرؑ ہمیشہ عباسؑ بڑھیندی
 گھر وچ پروان چڑھیندی تیکوں چن اصغرؑ

.....

جعفرؑ وسے ہنڑ او بھین دُکھی جو ویر کوں ہئی رو آہدی
 جے بھین دا گدا کوئی چارہ تہاکوں نت محفوظ رکھیندی
 گھر وچ پروان چڑھیندی تیکوں چن اصغرؑ

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

زندگی بھر میں چن علیٰ اصغر روز جھولیاں
تہاڑے خالی پینگھے کوں
توں نہ ملسیں تہاڑے عیوض پیار کریاں

لوری دی تھی عادی گئی ہاں لیکن تہاڑے بعد اصغر
تہاڑی لوری رو رو کے ڈینہ رات سنڑیاں
تہاڑے خالی پینگھے کوں

گود میڈی ویران ہے تھی گئی اے احساس جاں تھیں
تہاڑی جاہ تے جھولی دے وِچ وَنَج کے پیساں
تہاڑے خالی پینگھے کوں

ممتا دا قرآن سمجھ کے تہا کوں نت گل لیدی ہم
 ہنڑ تاں پیار دی سمجھ کے دولت وَنَج گل لیاں
 تہاڈے خالی پینگھے کوں

فجر دی پڑھ کے نماز میں اصغر تہا کوں آن کے چیدی ہم
 تہاڈے بدلے ہنڑ تاں فجر کوں وَنَج کے چیاں
 تہاڈے خالی پینگھے کوں

جعفر دا وارث جاں آسی ممتا دی گھن ہر ہک حسرت
 لکھ خوشیاں دے نال میں اصغر آپ سچیاں
 تہاڈے خالی پینگھے کوں

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

آکھے معصومہ بابا بیٹھے لحد تیار کریندے ہن
 اوہلے تھی کے بھینیں توں
 ساکوں لعل دی قبر بڑا ڈے تیغ کوں رو فرمیںدے ہن

ریت گرم تے چادر پا کے اصغر ویر سمہائی پٹھن
 ڈیکھ کے سرخ لباس اصغر دا رو رو کے بڑ ویندے ہن
 اوہلے تھی کے بھینیں توں

نازک جسم ہے چن اصغر دا گرم زمین ہے کربل دی
 ویر اصغر کوں کئی کئی واریں رکھدے تے ول چیندے ہن
 اوہلے تھی کے بھینیں توں

میکوں اجازت ڈیو میں وَنَج کے ویر اصغر کوں چا بہساں
کیوں جو بابا گرم زمین تے اجھک کے لعل سمہندے ہن
اولے تھی کے بھینیں توں

.....

ول ول ڈہن خیمیاں دو کوئی اے حالت نہ ڈیکھ گھنے
لحد بنڑا کے ویر اصغر کوں کھیں پئے دمنیدے ہن
اولے تھی کے بھینیں توں

.....

جعفر اے مظلوم و سن جو پتر لہا کے تربت وِج
لحد دے پاسے کنڈ کر کے خود بیٹھے خاک گھیریندے ہن
اولے تھی کے بھینیں توں

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

اے دھرتی کرب و بلا دی میڈا اصغرؑ ہے پیار دا عادی
 اینکوں پیار دے نال سمہانویں ، اینکوں پیار دے نال جگانویں
 ہے سمہہ گیا پیاسہ بن دے وِچ گھن لمس میڈی ممتا دی

.....

ایندا گل زخمی ہا ڈاڈھا رکھیں خاص خیال ایں گل دا
 ایندی کروٹ جے بدلانویں تھیوے نہ تکلیف زیادہ
 اینکوں پیار دے نال سمہانویں ، اینکوں پیار دے نال جگانویں

.....

اے ممتا دا سرمایہ ، تیڈی جھولی وِچ ہے پایا
 اینکوں سمجھ امانت پالیں توں اُجڑی بیوہ ما دی
 اینکوں پیار دے نال سمہانویں ، اینکوں پیار دے نال جگانویں

جڈاں تھیوے سمہن دا ویلھا میڈی لوری توں دُہرانویں
 زانو دے ہلاوے ڈے کے ڈیویں اُلفت میں دکھیا دی
 اینکوں پیار دے نال سمہانویں ، اینکوں پیار دے نال جگانویں

.....

جڈاں تھیوے کھیر دا ویلھا او میکوں یاد کریسی
 میڈے وانگوں خبر توں لہویں معصوم دے پاک بھرا دی
 اینکوں پیار دے نال سمہانویں ، اینکوں پیار دے نال جگانویں

.....

جعفرؑ ایں سینؑ دی جھولی آباد ہووے دوبارہ
 جو آہدی ہئی دھرتی کوں ہوی اے کل پونجی ما دی
 اینکوں پیار دے نال سمہانویں ، اینکوں پیار دے نال جگانویں

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

سرتاج میں ہاں پندی اصغرؑ ولا ڈے میگوں
میڈیاں ضعیفیاں دا کل آسرا ڈے میگوں

.....

تھاڈے سینے تے او سمہ گئے میڈی صدا نہیں سنڑدا
میڈا ہنڑ جگر ہے پھدا کسن جگا ڈے میگوں

.....

جھولی میڈی دی گرمی آج توڑیں کم تھئی نہیں
سمہ گئے گرم زمیں تے ہنڑ لعل چا ڈے میگوں

.....

اصغرؑ بغیر میڈا زندہ رہن ہے مشکل
جیون دا کوئی بہانہ آقا بنڑا ڈے میگوں

.....

واپس میں شام توں ہاں ایندا جھولا گھن کے آئی
 ایندے وِچ سمہا کے اصغرؑ، پینگھا سجا ڈے میکوں

.....

جعفرؑ دا وارث آ کے میڈی جھولی ول وساوے
 آوے جلدی ساڈا بچڑا، سائیں اے دعا ڈے میکوں

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

آکھے اکبرؑ رو کے امڑی کوں تہا کوں درد سنانوں آیا ہاں
تساں زندگی بھر نہیں پیار کیتا اَج پیار کرانوں آیا ہاں

.....

میں سکدا ہم تہاڈی جھولی وِچ سر رکھ کے میں وی سمہہ ویندا
ایہا حسرت اپنی زندگی دی اَج امڑی مٹانوں آیا ہاں

.....

میکوں ڈیکھ تہاڈیاں اکھیاں وِچ جیڑھی پیار دی حسرت آنڈی ہئی
اوہا پیاس تہاڈی ممتا دی اَج امڑی بجھانوں آیا ہاں

.....

جیڑھا پیار ڈتائے میکوں پاک پھوپھی او جنت ہئی میڈی ممتا دی
اَج تہاڈے پیار دے نال اوکوں فردوس بنڑانوں آیا ہاں

ہے آخری رات مسافر دی ایہا آخری حسرت ہئی میڈی
میں ٹرن توں پہلے مس لہندی خود آپ چمانون آیا ہاں

.....

جعفرؑ اے والدہ پاک ڈیکھے او ویلھا ابدی خوشیاں دا
آکھے جن اکبرؑ میں امڑی توں ہنڑ سہرہ بدھانون آیا ہاں

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

تساں امڑی وطن تے ول ویسو احسان ایہو فرماہے چا
میڈی طرفوں ہجر دی ملکہ دی تساں چادر پاک چماہے چا

میڈی بھین بہوں ناراض ہوسی نہیں پہنچ میں سنگیا وعدے تے
میڈی مجبوری تساں جانڈ دے ہو میڈی بھین کوں آپ ڈساہے چا

جے ول وی کوئی رنج رہ جاوے میڈے وانگوں چم کے پیشانی
ہک لختے کیتے بنڑ اکبر میڈی بھین کوں آپ مناہے چا

میڈا حال او پچھسن رو رو کے میڈا درد جگر تساں جانڈ دے ہو
رہیاں تڑپدا بھین دے ملن کیتے ڈکھ سارا کھول سناہے چا

دل بھین دا ہوندائے بہوں نازک میڈا زین توں لہن نہ سن سنکسی
 جیڑھا زخم ہے میڈے سینے تے ایں زخم دا حال لکا ہے چا

.....

آسی جلدی جعفر دا وارث ساڈے بدلے گھنسی وس پوسوں
 میں جلدی بھین کوں آ ملساں ، تساں وی یقین ڈیوا ہے چا

.....

﴿ آمین یا رب العالمین ﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

علی اکبر وِج دنیا دے گھن سہریاں دی امید
ہن ڈاڑھیاں لہندیاں
ہے آس ہوندى خوشیاں دی انہاں خوشیاں تے رکھ دید

جڈاں پتر جوانیاں چڑھ پوندن دُکھ ٹل ویندن پیو ما دے
سدا حسن و شباب دی چھاں تے گھن سارے گھر دی عید
ہن ڈاڑھیاں لہندیاں

ما پیو دے جگر توں کچھ اکبر پتراں دا چڑھن جوانی
ہر مونجھے صحن دے اندر بنڑ خوشیاں دی تمہید
ہن ڈاڑھیاں لہندیاں

اجاں جھولیاں وِچ لعل ہوندے ہن لگ ویندی ہے آس خوشی دی
خوشیاں دی ہر ہک خواہش کر دل وِچ لعل شدید
ڈاڑھیاں لہندیاں ہن

تساں پتر ہو اکبر امڑی نہیں اے گالھ نہ توں سمجھیسیں
پتراں دے سہرے جوڑو ، کرن ایں گل دی تاکید
ڈاڑھیاں لہندیاں ہن

جعفر ہنڑ او مظلوم و سہ جیڑھا آہدا ہا چم رُخ چن دا
ما پیو دے آنگن وِچ بنڑ کل خوشیاں دا خورشید
ڈاڑھیاں لہندیاں ہن

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

میڈا اکبر تیکوں میں جھولی وچ آ سمہانواں توں میڈا چن سمہہ پو
وانگوں بچپن دے تیکوں چن اکبر جھولی پانواں توں میڈا چن سمہہ پو

سارے گھر دے کیتے جوان ہیں توں میڈے کیتے تاں تیڈا بچپن ہے
تیڈے رُخسار اپنی جھولی وچ تھپتھپانواں توں میڈا چن سمہہ پو

بالاں وانگوں توں گود وچ سمہہ جا لوری تیکوں سنڑانواں رو رو کے
اپنی چادر دی تیڈے چہرے تے چھاں بنڑانواں توں میڈا چن سمہہ پو

توں وی سکدا رہیا ہیں چن اکبر میں وی سکدی رہی ہاں زندگی بھر
تیڈی ڈاڑھی چمن دی چن پچڑا سک لہانواں توں میڈا چن سمہہ پو

حسرتاں ہن اٹھا رہاں سالاں دیاں رات قسمت ڈتی ہے ہک میکیوں
اپنی ایں بیکسی تے نیر اکبر میں وہانواں توں میڈا چن سمہہ پو

.....

جعفرؑ او وس پووے ضعیف امڑی جیڑھی آہدی ہئی لعل کوں رو کے
تیڈیاں خوشیاں تھیون تیکوں ڈیواں میں دعانواں توں میڈا چن سمہہ پو

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَةَ الشَّرِيفِ

یا مولا کریم

﴿نوحہ پاک﴾

ہم مشکل پیغمبرؐ آج دی شب ڈے آخری توں آذان
اللہ دے حبیبؐ دے لہجے وِچ
آذان سنڑا ڈے عالم کوں ، بنڑ حسرت دا سامان

تیڈی آخری اے آذان ہے جن تیڈیاں پھوپھیاں سن آواز گھنن
نہیں ڈیونی کہیں آذان ول ایں تیڈے بعد اے پتر جوان
اللہ دے حبیبؐ دے لہجے وِچ

میں چاہنداں کوفیاں شامیاں کوں آوے یاد زمانہ سرورؐ دا
آذان سنڑا کے لعل میڈا کر بابے تے احسان
اللہ دے حبیبؐ دے لہجے وِچ

جڈاں ڈیویں شہادت نانے دی میڈا لعل توں نیر وہانویں نہ
 کونین کوں راہسی محشر تائیں میڈے رونون دا ارمان
 اللہ دے حبیب دے لہجے وِچ

.....

خود خالق اکبر چاہندا ہے اکبر تیڈی آذان سزُن
 تھی رب دے دل تے نقش ونجے اوندی وحدت دا اعلان
 اللہ دے حبیب دے لہجے وِچ

.....

جعفر اے سین دا مس لہندا پاوے سگن دے سہرے جگ ڈیکھے
 گھر پاک دے وِچ ول رس گھولے بنڑ خوشیاں دا یزدان
 اللہ دے حبیب دے لہجے وِچ

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

آؤ کل بھر جائیاں کولھ میڈے میں اکبر کوں پریندی ہاں
اینکوں ویرتوں منگ کے چایا ہم پئی واپس لعل کریندی ہاں

کیتی محنت سال اٹھا رہاں ہم میں دل رکھدی ہاں مانواں دا
تہوں رخصت کرن توں پہلے میں پئی بنرا لعل بنڑیندی ہاں

اینکوں پردیاں دے وچ پالیا ہم آج رخصت کرنا لازم ہے
دھیاں وانگوں اکبر نال اپنا پئی کل سامان وی ڈیندی ہاں

اینکوں پتراں توں ودھ سمجھیا ہم میکوں ویر ہئی لعل عطا کیتا
تاہیں صدقہ بنڑا کے پتر اپنے پئی چن دے نال ٹریندی ہاں

میڈے عون و محمد حاضر ہن ، اکبر دا صدقہ ڈے ویرن
ایہو سوہنڑاں لعل بچا گھن توں ونج ویر دی منت کریندی ہاں

.....

جعفر اے سین آباد ہووے جو آہدے ہن نمہی چن بھلدا
ایندیاں خوشیاں حسن دے جانی توں ودی شام فجر طلیندی ہاں

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

میڈا خالق پاک گواہی دے پیاں میں جو پتر ٹریندا
اے ساگی پاک نبیؐ ہے
تیڈی ذات سوا ایندی عظمت کوں نہیں جگ تے کوئی سمجھیندا

جڈاں نآنے پاک دے چہرے دی ہامی کرن تلاوت چاہیندا
اینڈے رُخ توں پاک نقاب ہٹا ہامی ایں تے نظر کریندا
اے ساگی پاک نبیؐ ہے

ایندی لہندی مس کوں میں خالق ہامی سمجھ عبادت چھدا
تیڈے پاک حبیبؐ دے ڈیکھن دی ہامی ایں تے سدھر لہیندا
اے ساگی پاک نبیؐ ہے

تیڈے پاک حبیبؐ دا ڈسدا ہا میڈا لعل شباب ازل دا
 پر تیڈی رضا دی خاطر میں پیاں چن میدان بھیندا
 اے ساگی پاک نبیؐ ہے

.....

اینکوں امت لعین لہانوناں ہے اُتوں زین دے اوکھے رنگ وِچ
 ایندی لاش آسی دُکھے رنگ وِچ جو پئے وِچ میدان دے ویندا
 اے ساگی پاک نبیؐ ہے

.....

جعفرؑ اے جوانی سرور دی ول سہریاں نال سچیجے
 جبریل آکھے جئیں بچڑے کوں پئے آقا آپ سچیندا
 اے ساگی پاک نبیؐ ہے

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

ٹر زانواں بھار غریب سید جڈاں پتر کوں آ گل لایا
پیو پتر ڈوہیں غش کر گئے
پایاں گل وچ باہیں اکبر دے خود عرش ہلاوا کھایا

.....

ڈٹھا اکبر آندا بابے کوں اٹھیا رکھ کے ہتھ سینے تے
ہک وار غریب دے ہونٹاں تے جڈاں نام اکبر دا آیا
پیو پتر ڈوہیں غش کر گئے

.....

چمی مس لہندی جڈاں بچڑے دی ڈکھ یکدم تازہ ہو گئے
ملیا ایسا سکھ علی اکبر کوں جڈاں ودھ بہوں پیار کرایا
پیو پتر ڈوہیں غش کر گئے

پیو پتر ڈوہیں جڈاں گل لگے کہرام خیام اِچ اُٹھیا
 جڈاں بابے دے گل لانون کوں چن سینے توں ہتھ چایا
 پیو پتر ڈوہیں غش کر گئے

.....

پیو پتر دے جاں رُخسار رلے ہا پھٹدا جگر دُکھاں توں
 کر دید ہک بے دی حالت تے دل ایسا حشر جگایا
 پیو پتر ڈوہیں غش کر گئے

.....

جعفرؑ انہاں مظلوماں دیاں ہنڑ خوشیاں دی رُت آوے
 جنہاں مظلوماں کوں ہک بے دے دُکھ درد جڈاں تڑپایا
 پیو پتر ڈوہیں غش کر گئے

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

پھل باہر آیا جڈاں سینے توں کھرام ایہو جیہاں تھیا
 بہہ سیدِ زمین تے گیا
 ہر دل وچ اُتری ہئی گویا ہکا برچھی ظلم دی ایہا

.....
 ڈٹھی زردی پتر دی چہرے تے ڈٹھے آخری دم اکبر دے
 لگی چوٹ جگر تے خود سر توں جھنڑ پاک عمامہ پیا
 بہہ سیدِ زمین تے گیا

.....
 کیتا پتر سلام اخیری جاں دم ہونٹاں تے آ کھڑ گئے
 ہتھ پیر بنڑا مس لہندے دے ہتھ اکھیاں تے ڈیندا رہیا
 بہہ سیدِ زمین تے گیا

وقت آخری ڈیکھ کے بچڑے دا عباس دو منہ کر آکھن
 میڈے مس لہندے دا سر جھولی ہنڑ آ پاوے کوئی بیا
 بہہ سید زمین تے گیا

.....

اینڈی بھین کوں تانگھ ہوسی وطن اُتے ہاسی شادی دیاں اُمیداں
 ڈینہ شادی دے اوندے ویر دو آئے تقدیر دا سخت سنیہا
 بہہ سید زمین تے گیا

.....

جعفر ہنڑ او مظلوم وے جئیں چھکيا پھل برچھی دا
 ڈیکھ آخری دم علی اکبر دے پڑھ راضیت مرضیہ
 بہہ سید زمین تے گیا

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

پڑھی بنرے وصیت بابے دی ہا حکم جاں چن گھبرانویں
اے میڈا وصیت نامہ توں وَنَج چاچے کوں ڈکھلانویں

ہک ڈینہ اوکھا آ وقت ویسی میڈے مظلوم بھرا تے
اول اوکھے وقت اِج لعل ساکوں توں سرخرو آپ کرانویں

تہا کوں سہرے پیسی سین دا چن ساڈے فرمان مطابق
میں چاہنداں شہادت دے کیتے توں بنرا بنڑ کے جانویں

تہاڈے ہتھ عزت ہے بابے دی میڈی لاج رکھیں چن قاسم
ہر بند بند کر قربان ڈیویں کچھے پتر میڈا سڈوانویں

اساں اپنی نویکی قربانی ہے ڈیونی پاک بھرا توں
ساڈی طرفوں سر قربان کریں بابے دی عزت رکھانویں

.....

تھاڈی اصلی شادی کرنی ہے جعفر دے وارث آ کے
توں سمجھ سعادت کربل دا چا ہر ہک سنون نبھانویں

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللّٰهُ فَرَجَةَ الشَّرِيفِ

یا مولا کریم

﴿نوحہ پاک﴾

میڈا خالق ویر دے چن کوں پیاں سہرہ سگن دا پیندا
توں ایں شادی کوں رنگ لانیوں
اے ہے بیوہ ما دی محنت میکوں ہے ماحول ڈریندا

.....

ایں یارہاں سال یتیمی دے ہن درداں نال گزارے
اینڈی بیوہ امڑی بیوگی وِچ ہن بہوں ارمان سنوارے
میں بیوہ ما دی حسرت دی پیاں آج تکمیل کریندا
توں ایں شادی کوں رنگ لانیوں

.....

جیڑھا ہے ماحول ایں کربل دا نہیں اے موقع سنوئاں دا
ایں موقعے ہوندائے بہوں اوکھا خود رخصت کرن دھیاں دا
ایں درداں دے ماحول دے وِچ پیاں دختر پاک ٹریندا
توں ایں شادی کوں رنگ لانیوں

ہے بنریاں دا اے بن دشمن حالات نہیں سکناں دے
 ایں بنرے دے پھل سہریاں دے نہ ہونون نذر خزاں دے
 ہک تیڈی آس تے دختر دی پیاں ڈولی آپ چویندا
 توں ایں شادی کوں رنگ لانیوں

.....

بنرے دی شہادت سہریاں تے ہے ول ول پھیرے پیندی
 ہے بیوگی آ کے بنری دا کئی واریں گھونگھٹ چیندی
 پر تیڈی رضا تے تھی راضی پیاں ہر ہک رسم نمھیندا
 توں ایں شادی کوں رنگ لانیوں

.....

جعفرؑ ایں لعل دے سنون ولا ہن کرنے حسن دے جانی
 ول نال پھلاں دے سج ویسی سخی حسن دی پاک جوانی
 ہر سجن اے آکھسی رب اکبر اے ہے ابدی سنون بنے دا
 توں ایں شادی کوں رنگ لانیوں

.....

﴿آمین یا رب العالمین﴾

الْحَمْدُ لِلّٰہِ وَ شُکْرًا لِصَاحِبِ الرَّمَّانِ عَجَلَ اللّٰہُ فَرَجَہُ الشَّرِیف

یا مولا کریم

﴿نوحہ پاک﴾

مظلوم سیدؑ جڈاں بنرے دا کوئی برگ زمین توں چیندائے
پہلے چم اکھیاں تے لیندائے
ہر پھل جو خون آلودہ ہے جڈاں چادر دے وچ پیندائے

ہے چاہندا کوئی ترتیب بنڑا اینکوں خیمے وچ گھن جاناواں
قاسم دے نین تے نقش رلا ونج امری کوں ڈکھلاناواں
بکھری ہوئی لاش دی جئیں ویلے سیدؑ ترتیب بنڑیندائے
پہلے چم اکھیاں تے لیندائے

ہن برگ زمین تے بکھرے ہوئے نہیں کوئی ترتیب نظردی
ہر آیت مصحف ناطق دی پئی ہے خاک تے خون اچ تردی
ہک حرف دے نال غریب سیدؑ جڈاں ڈوجھا حرف رلیندائے
پہلے چم اکھیاں تے لیندائے

چادر کوں وچھا کے دھرتی تے ہر شے سنبھلیندے پیٹھن
 ہے ہر شے بکھری سکناں دی تہوں جوڑ رلیندے پیٹھن
 ہک شکل بنڑا کے جو شے سائیں چادر وچ آن رکھیندائے
 پہلے چم اکھیاں تے لیندائے

ہے کہیں جا گانہ بنرے دا پیا خون دے وچ غلطان
 کہیں جا پئی ہے مندری شادی دی بنڑ درداں دا سامان
 کوئی چیز عروسی دی سید جڈاں رو رو آپ اٹھیندائے
 پہلے چم اکھیاں تے لیندائے

جعفر ہنڑاے مظلوم سید ڈیکھے ول شادی نوشاہ دی
 ودا چنڑا ہے جیڑھا ہک ہک شے چن ویر دے نور نگاہ دی
 جیڑھا کوئی شے ڈھدائے دھرتی تے، اُتے خاک دے رو بہہ ویندائے
 پہلے چم اکھیاں تے لیندائے

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَةَ الشَّرِيفِ

یا مولا کریم

﴿نوحہ پاک﴾

ناراض نہ تھیویں چن قاسم میں بن وچ آ نہیں سنگدی
 تیکوں لعل بچا نہیں سنگدی
 پئے ظلم دے گھوڑے بھج دے ہن اے ظلم رکا نہیں سنگدی

اے ٹھیک ہے میڈی بیوگی دا توں لعل ہیں کل سرمایا
 لیکن جیڑھی نتھ ہے پردے دی ہمی درتے روک کھڑایا
 پئی ہے لاش تیڈی پامال تھیندی کوئی چارہ لا نہیں سنگدی
 تیکوں لعل بچا نہیں سنگدی

جے وس لگدا تاں گھوڑے توں تہاکوں لعل میں آپ لہیندی
 تہاکوں بچپن وانگوں ہک واری ول آ جھولی وچ پیندی
 کھڑی ڈہدی ہاں ظلم میں چپ کر کے کوئی مدد کرا نہیں سنگدی
 تیکوں لعل بچا نہیں سنگدی

میڈے ڈھدیں تیکوں امت شقی پئی ہے تقسیم کریندی
 میڈے ممتا دے قرآن دی پئی ترتیب ہے کل بدلییدی
 میڈے سر سرتاج دا سایہ نہیں تیکوں لعل چوا نہیں سنگدی
 تیکوں لعل بچا نہیں سنگدی

کھڑی ڈھدی ہاں دروازے تے بنری کوں نال رلا کے
 اساں ڈوہاں دیاں بے وسیاں ہن ، ہسے کھڑگیاں نظر جھکا کے
 پامال جگر ہے ڈوہاں دا کوئی قدم اٹھا نہیں سنگدی
 تیکوں لعل بچا نہیں سنگدی

جعفرؑ اے امڑی بچڑے دے ول ڈیکھے سنون دوبارہ
 جیڑھی آہدی ہے کھڑ دروازے تے نوہی کوئی امڑی دا چارہ
 میں بیوگی وچ کہیں سجن اُتے کوئی ہج ازما نہیں سنگدی
 تیکوں لعل بچا نہیں سنگدی

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

ہے رو رو آہی بیوہ ما توں بنری نجف پچا بنرا
ہے گھل گئی بہوں گستاخ ہوا توں بنری نجف پچا بنرا

.....

دشمن پئے چوگرد نظردن ، ساڈے وی پئے خیمے ٹھردن
میں ہنڑ رہ گئی ہاں تنہا توں بنری نجف پچا بنرا

.....

ہے سجاد اُتے غش طاری ، کنتے جاوے درداں ماری
امڑی تے احسان اے لا توں بنری نجف پچا بنرا

.....

خوش تھی کے ہر ظلم نبھیاں ، تھی بے چنتا شام دو ویساں
درد گیم بنری دا کھا توں بنری نجف پچا بنرا

.....

میں تے جیڑھا ڈکھ بھی آوے بنری تاں بازار نہ جاوے
تازہ ڈکھ ہس بیوگی دا توں بنری نجف پچا بنرا

.....

جعفرؑ سیں او ول وس پووے جیڑھی ڈیکھ بنی کوں رووے
آکھے لعل کوں جلدی آ توں بنری نجف پچا بنرا

.....

﴿آمین یا رب العالمین﴾

الْحَمْدُ لِلّٰهِ وَ الشُّكْرُ لِصَاحِبِ الزَّمَانِ عَجَلَ اللّٰهُ فَرَجَةَ الشَّرِيفِ

یا مولا کریم

﴿نوحہ پاک﴾

غریب سید بنے کوں ڈٹھا کتھائیں عمامہ عباء کتھائیں ہے
بنے دی ترتیب کوئی نہیں رہ گئی بنے کوں بکھریا ڈٹھا کتھائیں ہے

کتھائیں ہے دستار سرخ ایندی کتھائیں ہے مقنع پیا زمیں تے
کتھائیں پیا ہتھ ہے گانے والے آپ گانا پیا کتھائیں ہے

ہئی خیمے وچ لگنی چن کوں مہندی مگر ہے بن وچ چالائی امت
سنون کتھاؤں دا ہا جو خوشی دا تھیا او آ کے ادا کتھائیں ہے

بنے کوں ایں رنگ دے نال امت چڑھایا کھارے تے خود سجایا
کتھائیں پیاں ہن حنائی انگلیں تے ڈس دی بن وچ حنا کتھائیں ہے

ہے در اُتے روندی بیوہ امڑی ، ہے خیمے وِچ روندی بیوہ بنری
جگر ہے غاڑی دا وین کردا تے جاری اوندی صدا کتھائیں ہے

.....

ہے شادی بنرے دی تھئی تاں کربل خوشی تاں جعفر دا سائیں کر یسی
عجیب شادی بنے دی ہے ابتدا اِتھاں انتہا کتھائیں ہے

.....

﴿آمین یا رب العالمین﴾

الْحَمْدُ لِلّٰهِ وَشُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

جیویں پئی آندی ہے جج قاسم دی سر وچ خاک روا کے
 ایں رنگ دی بارات زمانے نہیں دُٹھی
 جیویں پئی آندی ہے پاک بنے کوں سہریاں نال سجا کے

.....
 ہک خیمے توں بے خیمے تائیں پئے ویندن باراتی
 لیکن ہر باراتی سر وچ خاک ہے سوگ دی پاتی
 جیویں پئی آندی ہے پرسہ داراں دی آج شکل بنڑا کے
 ایں رنگ دی بارات زمانے نہیں دُٹھی

.....
 شادیاں دے کونین دے اندر سنون نہیں تھیندے ایویں
 سچ کوں مونڈھا لائی آندے ہن آج باراتی جیویں
 آندے پئے ہن گویا بنے دا پاک جنازہ چا کے
 ایں رنگ دی بارات زمانے نہیں دُٹھی

وِچ مقتل دے جسم سینیں گھن بنری کوں آئیاں
 رنگ بارات دا جوڑ کے ٹریاں کل ہم سین دیاں جائیاں
 قدسی آکھن جیویں پئی آندی ہے مہندی بنی کوں لا کے
 ایں رنگ دی بارات زمانے نہیں ڈٹھی

وِچ بازار دے سر معراج تے نظر ہئی سب کوں آندا
 لوگ ہن آہدے ڈیکھ بنے دے سہریاں کوں لہر اندا
 جیویں پئی آندی ہے مس لہندے کوں سہرہ سگن دا پا کے
 ایں رنگ دی بارات زمانے نہیں ڈٹھی

جعفر اللہ بھانویں آسی جلدی حسن دا جانی
 سہریاں نال سنجیسی ول ایں لعل دی پاک جوانی
 دنیا آکھسی جیویں پئی آندی ہے ہر ہک سنون سہا کے
 ایں رنگ دی بارات زمانے نہیں ڈٹھی

﴿آمین یا رب العالمین﴾

الْحَمْدُ لِلّٰہِ وَ شُکْرًا لِصَاحِبِ الزَّمَانِ عَجَّلَ اللّٰہُ فَرَجَہُ الشَّرِیف

یا مولا کریم

﴿نوحہ پاک﴾

ہے پھوپھیاں آپ تیار کیتی اَج لو ہنجواں دے نال
 مہندی بنرے دی
 لگی خیمیاں وِچ پر وَنَج کیتے کجھ گھوڑیاں دے سنہ لال

.....

کیا بنریاں نال وی دنیا تے ہے انجہ کوئی قوم کریندی
 رہی کردی آندے گھوڑیاں تے ایہو رو رو آپ سوال
 مہندی بنرے دی

.....

آئی لاش بنے دی جاں خیمے کجھ پچھن دی حاجت رہی نہیں
 میدان دا اول و آخر تائیں ڈتا خود بنری کوں حال
 مہندی بنرے دی

بنرے دی لاش تے سر رکھ کے رُنی بیوہ ما جی بھر کے
 خود پتر کیستے پرچندی رہی چم پاک امڑی دے وال
 مہندی بنرے دی

بنری کول بیوہ امت کیتا چھٹ ساتھ بنے دا گیا
 گئی نال بنے دے شام تائیں بنڑ درداں دی بھائیواں
 مہندی بنرے دی

جعفر دا وارث جلد آوے اے سنون دوبارہ ہونون
 ول خوشیاں نال تیار کرے دو عالم دا لجیاں
 مہندی بنرے دی

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

ہے شادی سوہنٹریں لعل دی جو حسنِ دا لعل ہے
اے سنوٹراں دا ویلھا ہے تے غم ای بھائیوال ہے

اے چنی ہے سہاگ دی تے بنری دے بھاگ دی
رنگیجے نہ اے خون وِچ خوشی رہ نت جاگدی
ہے اینکوں بیوہ ما ڈُکھی بنزایا سکاں نال ہے

ہے گانا اے سگن دا سخی دے سوہنٹریں چنِ دا
رلے نہ شالا ریت وِچ اے بچڑا حسنِ دا
نہ آسی راس لعل کوں رُویندا اے خیال ہے

اے شادی دا سنگھار ہے بنے دی دستار ہے
 جھنڈے نہ شالا بن وِچ جو بابے دا اے پیار ہے
 ایں ساوی دستار کوں کرے نہ جگ لال ہے

.....

اے سہرہ زرتار دا ہے خوشی دی بہار دا
 رلے نہ رت ریت وِچ ہے آسرا کنوار دا
 نہ تھیوے شالا بن وِچ اے بناں پامال ہے

.....

انگوٹھی اے بنے دی ہے خوشی دے رنگ ڈیندی ہے
 ونجیجے نہ اے خاک وِچ تے گالھ اے رُویندی ہے
 بنے نہیں اے ہنڈھانونی کڈا ہیں اے سکھاں نال ہے

.....

اے سگناں دی مہندی ہے تے دُکھ پئی سسڑیندی ہے
 اے لگنی ہے بن دے وِچ تے شادی پئی سہیندی ہے
 تے میکوں بہوں ڈریندا ہے بنی دا جیڑھا حال ہے

.....

اے سوہا جوڑا چنّ دا ہے اے خوشی تے سگن دا ہے
 بنّے دے پاک تن تے گو نظر دا کفن دا ہے
 اینکوں تاں میں ایں ڈینہ کیتے بھڑایا تیرہاں سال ہے

کریندیاں سدا دعائیں جعفر دا آوے پاک سائیں
 ول ایسی خوشی مل ونجے جو بدلے نہ ول کڈاہیں
 ہمیشہ دی خوشی ساکوں ڈکھاوے لچپال ہے

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

ہامی حسرت مدت دی دل دے وِچ چا آئی ہاں چاہواں نال
دیاں بنری دیاں

آج چا آئی ہاں کٹ بیوگی دے میں رو رو یارہاں سال

.....

میں ٹردے ویلے وطن اُتوں سامان نہیں پورا چایا
تہوں چاہندی ہاں نہ آ ڈیکھے کل عالم دا لچپال
دیاں بنری دیاں

.....

بد سنونی دا ہا خوف اتنا نمی ہتھ کہیں چیز کوں لایا
ہامی چاہندی نت محفوظ رہن میڈی بیوگی توں ہر حال
دیاں بنری دیاں

.....

آکھو وَنَج بنری دیاں بھینیں کوں دروازے تائیں ٹر آئون
جگ جوڑ خوشی دے چا آئی ہاں کرن آ کے استقبال
دیاں بنری دیاں

کرے ہر ہک سین دعا شالا وری رہے محفوظ ڈکھاں توں
نہ غیر ڈیکھے انہاں دیاں کوں ایہو کر کے آپ خیال
دیاں بنری دیاں

جھمی لیسن بھینیں بنری دیاں وِچ غربت دے کیا ڈیاں
ہر قدم تے میں توں چکھدیاں ہن ایہو رو رو آپ سوال
دیاں بنری دیاں

میں لکھ لٹویندی قاسم دی جے وطن تے ہوندی شادی
پردیس دے وِچ ما اُجڑی دا ہے محض غریبواں حال
دیاں بنری دیاں

اکبر دی بھین تاں نو نہہ بنڑ کے میڈے ویڑھے دے وِچ آسی
 تہوں لازم ہے کرن آن دعا خود ویرن دی بھائیواں
 وریاں بنری دیاں

دروازہ نپائی کیا ڈیاں جڈاں بنری درتے آسی
 ایہو سوچ کے روندی آئی ہاں ہے میں کھول کے سر دے وال
 وریاں بنری دیاں

کرن آن کے رُخصت بنری کول ہن جتیاں سہاگن سینیں
 میں بیوہ ہاں نہ کولھ آساں شالا جیوے حسن دا لعل
 وریاں بنری دیاں

جعفر کل سینیں کرن دعا وسے ول جگ تے اے بنری
 آکھے ما بنرے دی چا آئی ہاں آج میں خوشیاں دے نال
 وریاں بنری دیاں

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِّ الزَّمَانِ عَجَلَ اللَّهُ فَرَجَةَ الشَّرِيفِ

یا مولا کریم

﴿نوحہ پاک﴾

دیکھو سینیں چا گھن آئی ہے پاک بنے دی ما
 وریاں اپنے لعل دیاں
 دکھاں دے ماحول اچ آئی ہے حسرت نال سجا

درداں دا ماحول ہے سارا خوشیاں دی امید وی کوئے نہیں
 آخر ما ہے ، چا کے آئی ہے ، آس خوشی دی لا
 وریاں اپنے لعل دیاں

سنون سگن دیاں ساریاں رسماں آپ نبھانوں آئی ہے امڑی
 بیوگی قسمت ہے بنری دی ، ول وی آئی ہے چا
 وریاں اپنے لعل دیاں

منگو دعا شالا پاک بنی دے سرتے سہاگ دی چھاں رہ جاوے
 بیوہ امڑی چا آئی ہے اَج کرن اے رسم ادا
 وریاں اپنے لعل دیاں

.....

ڈیکھ کے موسمِ ظلم و ستم دا عیوض خوشی دے ما بنرے دی
 سرتے چائین درد ڈکھاں دی سر وِچ خاک روا
 وریاں اپنے لعل دیاں

.....

جعفر دا ہنڑ وارث آوے ابدی ہونون سین دیاں خوشیاں
 کل بچناں دے سامنے آوے سین دوبارہ چا
 وریاں اپنے لعل دیاں

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

اپنے لعل دیاں خوشیاں ما ہر حال منیندی ہے کیوں جو
 ما تاں آخر ما ہے ہوندی
 لو ہنجواں دے نال آ چن کوں مہندی لیندی ہے کیوں جو

.....
 میں وی اپنے دل دی کیتی ہے ہر ہک حسرت پوری
 دُکھ سکھ کیا ہن اے کیا جانے ممتا دی مجبوری
 ما تاں لاش تے خوشیاں دی ہر رسم نبھیندی ہے کیوں جو
 ما تاں آخر ما ہے ہوندی

.....
 اے ہئی تقاضا ممتا دا میں لائی ہے لعل کوں مہندی
 ممتا تاں پتراں دیاں خوشیاں ہے ہر حال منیندی
 جگر دے خون دے نال وی چن دی مہندی لویندی ہے کیوں جو
 ما تاں آخر ما ہے ہوندی

میں تاں پیاں اپنے چن دی سوہنٹریں سچ سچیدی
 جے کر سچ سچا نہیں سنگدی ما تاں ہے بانڑ مریندی
 سوہنٹریں لعل دی رو رو کے خود لاش سچیدی ہے کیوں جو
 ما تاں آخر ما ہے ہوندی

.....
 سہریاں دا گو اے نہیں موسم کچھ ارمان مٹیاں
 باقی رسماں ٹر گئے لعل دی لاش تے آن نبھیاں
 ما تاں کفن اچ وی پتراں کوں سہرہ بدھیندی ہے کیوں جو
 ما تاں آخر ما ہے ہوندی

.....
 جعفر ہنڑ تائیں بارہویں لعل کوں ہے اے سین سڑیندی
 منگدی ہے بی بی لعل دیاں خوشیاں ہے نت نیر وہیندی
 لعل دیاں خوشیاں دی وچ قبر دے تانگھ تگھیندی ہے کیوں جو
 ما تاں آخر ما ہے ہوندی

.....
 ﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

مہندی کیوں لاناواں امڑی مہندی راس نہ آ سنگسی
جے کر میں اے مہندی لائی رنگ نہ خوشی دا چا سنگسی

.....

مہندی لکیاں ہتھاں نال جاں لاش سجیساں بنرے دی
مہندی لانون دا پچھتاوا دل وچ نہ دفنا سنگسی

.....

اپنے ہتھاں تے اُجڑی کوں نظر جاں آسی اے مہندی
پاک سہاگ دی لاش تے اُجڑی کھل کے نہ نیر و ہا سنگسی

.....

بیوگی میڈی قسمت ہے ہر سگن توں پہلے بیوہ ہاں
میڈی بیوگی کوں نہ سہاگ دا مہندی کفن پوا سنگسی

جتنی دیر ایں بیوگی دا رنگ راہسی میڈے ہمتھاں تے
 اتنی دیر تائیں وی اُجڑی نہ اے سہاگ ہنڈھا سنگسی

.....

جعفرؑ دا ہنڑ وارثؑ آوے گھن کے مہندی بنیؑ دی
 اوندے بعد بنیؑ دی تیج دا نہ کوئی پھل مرجھا سنگسی

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

افسوس دے جیویں ہتھ مل کے میں لتھاں من دریا تے
میڈا علم گواہی ڈیسی ، میڈی مشک گواہی ڈیسی
کونین کوں راہندی دنیا تائیں میڈی بے عیب وفا تے

کر کے پابند امر دے وِچ میکوں آقا نے ہا ٹور ڈتا
میڈے جذبیاں دی سچائی تے محرومی تے ہر جاہ تے
میڈا علم گواہی ڈیسی ، میڈی مشک گواہی ڈیسی

میڈی کوشش ہی جو کہیں صورت میڈی سین دے خیمے بچ جانوں
میڈی ناکامی دے صدمے دی ہر شہر اِچ نیر وہا تے
میڈا علم گواہی ڈیسی ، میڈی مشک گواہی ڈیسی

میڈے دل تے شام غریباں دے کل زخم ہمیشہ تازہ ہن
 میڈے جگر دے سارے زخماں دی ہر گھر وچ خود لہرا تے
 میڈا علم گواہی ڈیسی ، میڈی مشک گواہی ڈیسی

غیور دے دل تے آج توڑیں عاشور دا منظر نقش کھڑائے
 میڈی ہک ہک تڑپ دی محشر تائیں ہر لہر اچ شکل سجا تے
 میڈا علم گواہی ڈیسی ، میڈی مشک گواہی ڈیسی

جڈاں آسی جعفر دا وارث تیار ہوسی جڈاں بدلے تے
 کیڈی حسرت ہے میکوں بدلیاں دی اوندے سامنے پل پل آتے
 میڈا علم گواہی ڈیسی ، میڈی مشک گواہی ڈیسی

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

تہا کوں امت امان پئی ڈیندی ہے میڈی من توں نہ کر انکار
 میڈا غیور بھرا
 تہا کوں نانکے پئے بچویندے ہن توں ہاں کر ڈے بھوار

ساڈے ٹرن دے بعد لعین امت ساڈے خیمے آن ٹھریسی
 تساں بچ ویسو تاں درداں دا بہوں وزن میڈا گھٹ ویسی
 ول میں تاں شہادت دے کیتے تھیں خوش تھی کے تیار
 میڈا غیور بھرا

سا کوں ہر توں زیادہ چنتا ہے بھینیں دی پاک ردا دا
 تہاڈے ہوندیں امت نے نہیں کرنا کوئی وی گستاخ ارادہ
 اساں شکر کریسوں بچ ویسن جے ظلم توں پردہ دار
 میڈا غیور بھرا

اساں سارے جیکر ٹر ویسوں امت ہر ظلم کریسی
 تطہیر دے پردہ داراں تے کیڑھا ظلم توں آن روکیسی
 تہاڈی موجودگی لازم ہے لٹے قافلے دا سالار
 میڈا غیور بھرا

اساں ڈیسوں شہادت دا سجدہ تھی بے چٹنا دُکھیاں توں
 تساں وطن تے بھینیں گھن ویسو بچوا کے کل ظلماں توں
 میں اے سمجھیاں لکھ کٹھیم ونجے خیر دی آل اظہار
 میڈا غیور بھرا

آوے او رُت جعفر ہنڑ جلدی ملے اذن عباس جری کوں
 لکھ لکھ واریں برباد کرن چا ساری قوم شقی کوں
 شبیر آکھن گھن خود بدلے ، بنہہ خوشیاں دی دستار
 میڈا غیور بھرا

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

منہ نجف دو کر عباس آکھن نہی دل برداشت کریندا
تساں بابا خود انصاف کرو
میڈا دل پھٹدائے رُ وِجَن دا جاں میکوں آقا حکم ہے ڈیندا

کیا انجہ سردار کوں ٹھہندی ہئی میکوں آہدن چھوڑ ڈے ساکوں
میڈے صبر توں زخمی جگر کوں پئے اَج تہاڈا لعل ازمیندا
تساں بابا خود انصاف کرو

چا ایسے اوکھے وقت دے وِچ کیا اتنے وزن رکھیندن
میڈا آقا اوکھے وقت پیائے عباس دا دل تڑپیندا
تساں بابا خود انصاف کرو

میڈی زندگی صدقہ ہے پردے دا ، ہے وقت اوکھا پردے تے
مگر ایسے نازک موقعے تے میکیوں پئے سردار ٹریندا
تساں بابا خود انصاف کرو

.....

میں آہاں تیج اُٹھانوں ڈیو او ونجن دا حکم سنڑیندن
میڈا جگر ہے پھٹدا غیرت توں کھڑاں تہوں میں نیر وہیندا
تساں بابا خود انصاف کرو

.....

جعفرؑ پابندیاں امراں دیاں اوں غازی دیاں مک جانوں
جو رو آہدے ہن بابے کوں ، ہمی حوصلہ ساتھ چھوڑیندا
تساں بابا خود انصاف کرو

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

گستاخ امت کوں ڈتا یکدم بنڑا عباس دیاں مجبوریاں
ملعون امت دی ڈتی جرأت ودھا عباس دیاں مجبوریاں

.....

جرأت ناہی کہیں دی جو کوئی میلی نظر کردا خیام پاک دو
لیکن لعیناں کوں ڈتا اے حوصلہ عباس دیاں مجبوریاں

.....

لاشاں جو ہن خیمے پیاں اے آندیاں دراصل اے لاشاں ناہن
دراصل ہن غرقِ لہو اے سرتا پا عباس دیاں مجبوریاں

.....

کیڑھا لہا سنگدا ہا وِچ بن دے شبیہ مصطفیٰ کوں زین توں
کہیں فرد نہیں بن وِچ ڈتائے چن کوں لہا، عباس دیاں مجبوریاں

.....

قاسم دی بنری پاک کوں بیوہ کرن سوکھا نہا ، پر بن دے وِچ
 بکھریاں ہوئیاں ہن ہر طرف تھی کے حنا..... عباس دیاں مجبوریاں

تیراں دے رنگ اِچ وِس رہیاں ہن زین توں ڈھلدے ہوئے مظلوم تے
 سر پاک سجدے وِچ کیتا آخر جدا عباس دیاں مجبوریاں

منگو دعا جعفر آوے جگ تے حقیقی منتقم تلوار گھن
 اعلانِ حق دے نال کل ڈیوے مٹا عباس دیاں مجبوریاں

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

نہ بھلسی تیڈیاں بھینیں کوں کڈاہیں تہاڈی وفا غازی
ٹرن توں پہلے بھینیں کوں وطن تے چا پچا غازی

سفر دیاں ساریاں تکلیفاں اساں محسوس نہیں کیتیاں
فقط تہاڈے سہارے تے گیاں پردیس آ غازی

علیٰ دا پاک دلبر ہیں رہیائیں نوکر توں سڈویندا
توڑے آج بھین سڈ میکوں بھرا ساتھوں سڈا غازی

ایں مقصد کوں بچانوں دی ذمہ داری نہ گر ہوندی
تیڈا ٹرنا ویندا بالکل ساڈی زندگی مکا غازی

اُتوں شام غریباں ہے کیوں پہرے ڈیویندے ہن
کیوں ہن جوڑنے پردے توں ساکوں چا سکھا غازی

.....

آسی جعفرؑ دا سائیں جئیں ڈینہ اساں دنیا تے وس پوسوں
نہ ہووے طول غیبت وِچ ایہا کر توں دعا غازی

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

رو آکھن غارِی یا میکوں بن وِچ تلوار اُٹھانوں ڈیو
یا بھینیں وطن پچانوں ڈیو
کرو انجہ پابند نہ امراں وِچ آج ظلم دا نام مٹانوں ڈیو

کھڑے نام ہن چنیدے خیمیاں دا برداشت نہیں تھیندا نوکرتوں
کیویں نام چویندن خیمیاں دے تلوار دے نال ڈسانوں ڈیو
یا بھینیں وطن پچانوں ڈیو

میڈا جگر ہے پھٹدا غیرت توں جڈاں کردائے دید کوئی خیمیاں دو
انہاں کل گستاخ نگاہیں کوں کھواریں سبق سکھانوں ڈیو
یا بھینیں وطن پچانوں ڈیو

اے فوج ہے کل کم ذاتاں دی ساڈے نال رسول دیاں دھیاں ہن
 کیویں ہوندن ادب شریفاں دے ملعوناں کوں سمجھانوں ڈیو
 یا بھینیں وطن پچانوں ڈیو

نہ اتنا صبر ڈکھاؤ جنیں توں ونجے حوصلہ ودھ بدمعاشاں دا
 عبّاس جلال دا خالق ہے میکوں امت توں اے منوانوں ڈیو
 یا بھینیں وطن پچانوں ڈیو

ہووے خضر دی زندگی وارث دی وسے جعفر او عبّاس سخی
 جو آہدے ہن ساکوں بھواریں اپنی تلوار ازمانوں ڈیو
 یا بھینیں وطن پچانوں ڈیو

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

تھاڑے آخری لمحے ہن ویرن احسان غریب تے لا غازی
اے 35 سال دی حسرت ہم میکیوں سڈ ہک وار بھرا غازی

تھاڑی خیمے لاش پچانوں دے پیا تہوں چارے میں لیندا ہاں
ہر بھین تیڈی اے چاہندی ہے گھنے تیں توں ویر سڈا غازی

اساں بھین بھرانواں کوں سک ہئی توڑے بنڑ کے بھرا تہاں بولو ہا
سڈوائے نوکرتہاں زندگی بھر میکیوں آج چا ویر بنڑا غازی

ہن چاہندیاں بھینیں شام تائیں اساں فخر دے نال ڈسا سنگسوں
ساکوں بھین عباس سڈیندا ہئی جو ہے اے فخر بجا غازی

ذمہ دار اسماں ہیں امڑی دے اُنہاں روکیا ہا نہ رنج تھیں
 دُکھ ڈھیر آئیں چھوٹی جہیں خوشی کر ویندے وقت عطا غازی

.....

نہ مونجھا تھی ساڈے بدلے دی رُت دُور نہیں تہاڈا دل ٹھارن
 آسی جعفرؑ دا سائیں دنیا تے توں وی کر چا آپ دعا غازی

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

وین کریدی ہے عون دی امڑی بن وچ ہے تڑپاندی
لاش وفا دے خالق دی
پاک خیام دو ویندن خالم ڈیکھ کے ہے کنب جاندی

ہے ہل من ناصر سین آہدی اگوں نعرے لوگ مریندے ہن
انہاں کوفیاں دیاں گستاخیاں تے، اُتے خاک دے ہے کرلاندی
لاش وفا دے خالق دی

میکوں امراں وچ پابند کر کے ہا ٹوریا بھین بھرانواں نے
ایں درد کنوں ہے تڑپ ویندی مجبوری ڈیکھ حرماں دی
لاش وفا دے خالق دی

جڈاں ہائے پردے دے وین آندن تاں عرش ہلاوے کھاندا ہے
 ہے روندی وانگوں بھینیں دے اے حالت ڈکھ ڈکھاں دی
 لاش وفا دے خالق دی

.....

ہے رو آہدا توڑے ہنڑ وی چا تساں اذن عباس کوں ڈیوہا
 ہے ہنڑ وی نسل مٹا سنگدی جگ دیاں گستاخ اکھیاں دی
 لاش وفا دے خالق دی

.....

جعفرؑ بدلے دی حسرت دی تکمیل تھیوے ہنڑ دنیا تے
 آج تائیں ہے تڑپدی درد کنوں کر یاد حالت بہناں دی
 لاش وفا دے خالق دی

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

جڈاں خالی آوے ، فضل دی ما ! ہے ہر مستور نپندی
سواری پیکے گھر دی
لہہ زین اُتوں عباس گھڑے کھڑی درتے ہے تانگھ تگھیدی

گھن نال جلو تساں دختر کوں خود وِنج کے واگ نپاؤ
تہاڈی بیوگی تے دروازے تے بہوں کھڑی ہے نیر وہیندی
سواری پیکے گھر دی

مظلوم دے گھوڑے دی جیویں ہے نپنی واگ معصومہ
اونویں تہاڈی کمسن بچڑی کوں ہے درد دے نال سڈیندی
سواری پیکے گھر دی

ہوندی اے وی رسم ہے بیوگی دی سرتاج شہید ہو جیندا
اوندی گھن کے خبر شہادت دی ہے بیوگی آن سہیدی
سواری پیکے گھر دی

تساں اندر قتات دے گھن آؤ سرتاج دی پاک سواری
کیوں جو عرب دی ہر مستور ایویں ہے اپنے گھر گھن ویندی
سواری پیکے گھر دی

جعفرؑ ایں سینؑ کوں خوشیاں دی ول آ کے خبر سنڑاوے
جیویں آج پئی ہے ایں بی بیؑ کوں سرتاج کہتے پرچیندی
سواری پیکے گھر دی

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

عاشور دی شب ڈسیا معصومہ بیٹھے بابا چراغ بجھیندے ہن
میں پاک پھوپھی خود ڈیکھ آئی ہاں
کل ساڈا ہے روز شہادت دا ہر کہیں کوں آپ ڈسیندے ہن

فرمیندن ساڈا کہیں تے وی نہیں کوئی گلہ نہ شکوہ ہے
اصحاب کوں ڈے کے خود رخصت بیٹھے ہر دا دل ازمیندے ہن
میں پاک پھوپھی خود ڈیکھ آئی ہاں

جیڑھے نال اساڈے آئے ہن اُنہاں دے وی تیور بدل گئین
وچ غربت دے میڈے بابے کوں پئے اکثر چھوڑ کے ویندے ہن
میں پاک پھوپھی خود ڈیکھ آئی ہاں

اصحاب دا ہے رنگ بدل گیا ہر ویندے شخص دی ڈیکھ کے کنڈ
 سر رکھ کے اپنے زانوآں تے بیٹھے بابا نیر ویندے ہن
 میں پاک پھوپھی خود ڈیکھ آئی ہاں

گھر وچن دے لوگ اُبالے ہن کوئی ساڈی غربت نہیں ڈہدا
 خود اپنے اپنے خیمے پئے اکثر اصحاب پٹیندے ہن
 میں پاک پھوپھی خود ڈیکھ آئی ہاں

جعفرؑ ہنڑ آوے او موسم ڈسے معصومہ ول پھوپھیاں کول
 میڈے ہر ویرن کول خود بابا پئے سکھن دا سہرہ پیندے ہن
 میں پاک پھوپھی خود ڈیکھ آئی ہاں

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

عاشور دی شب آکھے سین میکوں کل آل عبا دا ہے چنتا
ہر کوئی مہمان ہے ہک شب دا ہر ماہ لقا دا ہے چنتا

.....

ساکوں پارتاں ہن اے امڑی دیاں جن ویر دا خاص خیال رکھیں
مہمان ہن اے چند گھڑیاں دے شاہ کرب و بلا دا ہے چنتا

.....

میڈے غاڑی دی برداشت کنوں پابندیاں ہن لگ ڈھیر گیاں
عباس دا جگر نہ پھٹ جاوے سلطان وفا دا ہے چنتا

.....

آج پتر جوان سلامت ہم ، ہنے آخری شب ایہا پہریاں دی
محسوس تھیندائے انہاں ٹر ونجنائے میکوں حرم سرا دا ہے چنتا

.....

ہے سین رو آہدی بھینیں کوں نہ باہر بھرا کوں ونجن ڈیو
کئی غلط آوازے پئے آندن ، میکوں پاک بھرا دا چننا

.....

جعفر ہنڑ او مظلوم و سہ جو رو عباس کوں آہدے ہن
امت دے ارادے جو ڈسدن ساکوں عون دی ما دا ہے چننا

.....

﴿آمین یا رب العالمین﴾

الْحَمْدُ لِلّٰهِ وَ الشُّكْرُ لِصَاحِبِ الزَّمَانِ عَجَلَ اللّٰهُ فَرَجَةَ الشَّرِيفِ

یا مولا کریم

﴿نوحہ پاک﴾

رات ڈاھویں دی خیمے وچ ہے سیدِ نیر وہندا
چم کے چادر بھینیں دی
کل کیویں میں زین چھوڑیاں رو کے ہے آپ ڈسیندا

آج دی رات غنیمت سمجھو ویر دے نال گزار گھنو
جتنا کرنا چاہندیاں ہو آج کر ویرن کول پیار گھنو
آج دی رات نہ ول آسی ہے رو رو کے سمجھیندا
چم کے چادر بھینیں دی

میں ہک رات دی مہلت منگی تہا کنوں پیار کرانوں کول
زندگی بھر نہ سکدیاں راہوں ول بھینیں گل لانون کول
حسرت نال غریب سید ہے رو رو کے گل لیندا
چم کے چادر بھینیں دی

کل میں تھی مصروف ویساں نہ درد دے حال ونڈا سنگساں
 کل نہ تہاڈا سر چم سنگساں نہ گل پاک چما سنگساں
 اپنے کل دے مصروفیات وی سارے گنڑ سنڑویندا
 چم کے چادر بھینیں دی

کل تساں وی بہوں رُجھ ویسو ڈکھ یکدم تھی تار ویسی
 لاش آسی علی اکبر دی تاں غازی تھی تیار ویسی
 ہک ہک سجن ٹریسو کیویں ہے کل ذکر کریندا
 چم کے چادر بھینیں دی

جعفرؑ ایں مظلوم دی پگ دا وارث جلدی آوے
 جو مظلوم حالات بیٹھا ہمیشراں کوں سنڑواوے
 رو آہدن ہے رات اخیری وقت پئے جلدی ویندا
 چم کے چادر بھینیں دی

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

اُج رات ہر خیمے دے باہروں ودے چکر عباس کلیندن
کعبہ سمجھ عقیدت دا
ہر قدم تے کھڑ ہر خیمے کوں ودے آپ سلام کریندن

کل دے حالات وی پئے ڈسدن جڈاں ڈہن سین دا خیمہ
ہتھ جگر تے رکھ کے روندے ہن ول ادب کنوں جھک ویندن
کعبہ سمجھ عقیدت دا

عباس دے کیتے اے خیمے ہن حرم خدا توں ودھ کے
جج اکبر سمجھ کے خیمیاں دے چوگرد طواف کریندن
کعبہ سمجھ عقیدت دا

ہن آہدے حفاظت پردیاں دی میں سمجھ نماز ہے کیتی
 ہے خطرہ بہوں انہاں خیمیاں دا تہوں پل پل نیر وہیندن
 کعبہ سمجھ عقیدت دا

.....
 ہک ہک خیمے دے پردے کوں وَنچ نال حسرت دے چمدن
 ہر چوب خیام دی رو چمدن ول پاک اکھیں تے لیندن
 کعبہ سمجھ عقیدت دا

.....
 جعفرُ عبّاس دے صبراں دا مل پاوے حسنُ دا جانی
 جیڑھے اَج تائیں سین دے خیمیاں دا رو رو ارمان کریندن
 کعبہ سمجھ عقیدت دا

.....
 ﴿آمین یا رب العالمین﴾

الْحَمْدُ لِلّٰہِ وَ شُکْرًا لِصَاحِبِ الزَّمَانِ عَجَلَ اللّٰہُ فَرَجَہُ الشَّرِیف

یا مولا کریم

﴿نوحہ پاک﴾

ہووی بابے دا سینہ اُج دی شب کل سمہن دی سدھر لہا گھن
میڈی کمسن دھی معصومہ
کل شام توں سمہنائی خاک اُتے اُج ساری پیاس بجھا گھن

کل شام کوں تیڈے سمہن دی جاہ تیڈے سمہن دی نہ رہ ویسی
میڈے سینے سمہن دی ہر حسرت توں اُج دی رات مٹا گھن
میڈی کمسن دھی معصومہ

کل میں وی خاک تے سمہہ ویساں تہا کوں خاک تے سمہناں پوسی
اُج سینہ میڈا حاضر ہئی اینکوں اُج دی رات ہنڈھا گھن
میڈی کمسن دھی معصومہ

پے شام دے سفر نظر دے ہن ہوسی بستر سخت زمیں دا
 آج سمہ بابے دے سینے تے اِتھاں رنج کے پیار کرا گھن
 میڈی کمسن دھی معصومہ

تساں شام وچوں ول نہیں ولناں ، زندان اِچ ہے ٹر ونجناں
 ہوی آخری رات اے بابے دی ، زندگی دے ناز منا گھن
 میڈی کمسن دھی معصومہ

جعفر ہنڑ ایں معصومہ کوں ملے ول بابے دا سینہ
 جیکوں رو مظلوم اے آہدے ہن ہر گالھ توں آج منوا گھن
 میڈی کمسن دھی معصومہ

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

اساں رونوناں ہے بہوں عرصے تائیں آکھے عونِ دی ما بھر جائیاں کوں
 آج مان سلامت ہن ساڈے آکھے رو رو درد ستائیاں کوں
 توڑے آج دی رات نہ روؤ

اکبرِ دی ما دے کولھ تاں آج اکبرِ جیہاں پتر جوانے
 توڑے وقت ہے کم پر اُجڑی تے خالق دا آج احسانے
 کل ٹر ویسی ساڈا مس لہندا ، ودیاں روسوں درد جدائیاں کوں
 توڑے آج دی رات نہ روؤ

قاسمِ دی امڑی بنرے دے گھنے کر آج سنون گئے
 لاوے مہندی آج نونہ اپنی کوں گھنے سہرہ لعل کوں بنھے
 جیویں کھارے چڑھسی کل بنرا ، روسوں رب دیاں بے پرواہیاں کوں
 توڑے آج دی رات نہ روؤ

باہوے ما اصغرُ دی اَج دی شب تاں پاک سہاگ دی چھاں تے
 ول کے تائیں روسی رب جائزے دُکھی بہہ بہہ کے دُھپاں تے
 شالا بخت اقبال سلامت رہے کرو آپ دعا میڈے بھائیاں کوں
 توڑے اَج دی رات نہ روؤ

کل در ساڈے تے ہونوناں ہے بے کفن بہتر جنازہ
 کل ظالم آن مکاڑ ڈیسن مل خیمیاں دا دروازہ
 ودیاں روسوں شام دے رستیاں وِچ بے کفن تے بے دفنائیاں کوں
 توڑے اَج دی رات نہ روؤ

جعفرُ وس پووے دنیا تے ہنڑ پاک امیرُ دی جانی
 نت رونون توں محفوظ رہے میڈی سینُ دی ہر بھر جانی
 جیڑھی سینُ ہئی آہدی اَج دی شب اے رو رو موت رُلائیاں کوں
 توڑے اَج دی رات نہ روؤ

﴿آمین یا رب العالمین﴾

الْحَمْدُ لِلّٰہِ وَ شُکْرًا لِصَاحِبِ الزَّمَانِ عَجَّلَ اللّٰہُ فَرَجَہُ الشَّرِیف

یا مولا کریم

﴿نوحہ پاک﴾

ہے حکم جناب باقر دا جڈاں ڈینہ عاشور دا آوے
 ہر مومن سوگ مناوے
 ملے کوئی مومن جڈاں مومن کوں مظلوم کیتے پرچاوے

ایں ڈینہ کوں ساڈا وسدا گھر ہا امت لعین نے لٹیا
 ساڈی جد اطہر دی غربت تے جی بھر کے اشک وھاوے
 ہر مومن سوگ مناوے

ہک بے کوں آکھن رب اکبر ایں پاک عزا دے صدقے
 تہاڈے درجات بلند کر کے ایں گھر دا سجن بنڑاوے
 ہر مومن سوگ مناوے

آقا فرمیں دن ایں ڈینہ کوں مومن ہک بے کوں آکھن
مظلوم دے بدلے گھنن والا ساڈا وارث جلدی آوے
ہر مومن سوگ مناوے

.....

مومن ہک بے کوں کرواے دعا ساکوں نال امام زمن دے
مظلوم دے بدلے گھنن دی رب توفیق عطا فرماوے
ہر مومن سوگ مناوے

.....

جعفرؑ ہے حکم دعائیں دا اتے نال ہے حکم عزاء دا
جے تائیں نہ ساڈا بارہواں سائیں آ اے گھر پاک وساوے
ہر مومن سوگ مناوے

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

کوئی وَنج اکبر کوں آکھے میکوں پکڑ رکاب لہاوے
میں زین توں لہہ نہیں سنگدا
اوندے صدے ضعیف ہے کیتا میکوں آپ لہانوں آوے

جیویں ہا دستور تہاڈا ہاوے میکوں آن لہیندے
عباس کوں نال رلا کے اونویں پیو دی عزت ودھاوے
میں زین توں لہہ نہیں سنگدا

میکوں امت ہے انجہ پرچایا میں زین تے بہہ نہیں سنگدا
ہر پاسوں پھل پئے وسدن پھل وسدے آن رُوکاوے
میں زین توں لہہ نہیں سنگدا

کمزور کیتا ہم زخماں ہے خون بدن توں جاری
 رہوار ودا ہے بھجدا توڑے ایں کوں آن کھڑاوے
 میں زین توں لہہ نہیں سنگدا

.....

ہن ظالم میکوں بن وچ بے رنگ دا لہانوناں چاہندے
 کھڑی ڈہدی ہے عون دی امڑی ہنڑ فوجاں آن ہٹاوے
 میں زین توں لہہ نہیں سنگدا

.....

وسے او مظلوم ہنڑ جعفر جیڑھا پتر کوں ہا رو آہدا
 میں زین توں لہنڑاں چاہنداں میکوں ڈیون سہارا آوے
 میں زین توں لہہ نہیں سنگدا

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

پئی بارشِ وسدی ہے پھلاں دی پیا سید زین چھوڑیندائے
کھڑی ڈہدی ہے معصومہ
جڈاں کوئی پھل لگدائے جسم اُتے شاہ زین تے جھک جھک ویندائے

پیا بھج دے گھوڑے توں لہندائے چوگرد ہن قاتل اکبر دے
جیڑھے ظالم دا ہے وس لگدا آ پتر کیتے پرچیندائے
کھڑی ڈہدی ہے معصومہ

ہتھ سرتے رکھ کے معصومہ ہے رو دھرتی تے بہہ ویندی
جڈاں غربت وِچ مظلوم سید عباس دے نام سڈیندائے
کھڑی ڈہدی ہے معصومہ

پیا اوکھیں زین چھوڑیندا ہے اِتھاں کوئی وی لہانوں والا نہیں
 کنب لاش جوان دی ویندی ہے جڈاں نام اکبر دا چیندائے
 کھڑی ڈہدی ہے معصومہ

.....

بن وِچ جو حال غریب دا ہے او در تے حال ہے کسَن دا
 ہر ظلم معصومہ دے دل تے بابے دا نقش بنڑیندائے
 کھڑی ڈہدی ہے معصومہ

.....

جعفر ایں بابے کوں وسدا ڈیکھے ول کسَن معصومہ
 جیڑھا آخری سجدہ خالق دا پیا نال حسرت دے ڈیندائے
 کھڑی ڈہدی ہے معصومہ

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

رو رو آکھے عوں دی امڑی بھائیاں تے نہیں ظلم وسیندے
سامنے سکیاں بھینیں دے
کوفیو شامیو! شرم کرو نہیں ایویں تاں چن ویر مریندے

جیویں تساں گھوڑے توں لہایائے ہک ہک عضو بدن زخمیائے
گھوڑے توں انجہ ظلم وسا کے دُکھیاں دے نہیں ویر لہیندے
سامنے سکیاں بھینیں دے

سر بے دردی نال توں چا نہیں بھینیں دے توں صبر ازما نہیں
اتنے ادب دے نال نہیں ظالم بھائیاں دے سرمول چویندے
سامنے سکیاں بھینیں دے

اِذن جے بھین کوں اَج مل ویندا ہک ہک ضرب دامل پئے ویندا
میں ظالم تیکوں ڈس ڈیواں ہا کیویں ہن سر چا کے ڈکھیندے
سامنے سکیاں بھینیں دے

.....

مقصد پیڈا پورا تھی گئے ، ساڈا بخت اقبال لٹی گئے
کر کے ظلم انجہ کر گستاخی ایویں تاں نہیں دل زخمیدے
سامنے سکیاں بھینیں دے

.....

جعفرؑ وس پونون اے سینیںؑ خوش ہونون عباسؑ دیاں بھینیں
چن پتراں کوں سہرے پانوں آپ سجانوں جگ بھینیں دے
سامنے سکیاں بھینیں دے

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

جبریل عباس دی شکل دے وچ میڈی مدد کیتے نہ آ توں
متاں پردہ دار آ باہر ونجن
نہ ایویں میڈی غربت وچ عباس دی شکل بنڑا توں

تیڈیاں لوریاں میکوں یاد وی ہن تیڈا خدمت کرن نہیں بھلدا
پر ایں موقعے تے بنڑ غازی ڈینہ گزرے یاد ڈیوا نہیں
متاں پردہ دار آ باہر ونجن

عباس بھرا دے آسرے تے جیڑھیاں ہن سفراں وچ آئیاں
او تھی بے وارث کھڑیاں ہن نہ کہیں دا جگر ازما توں
متاں پردہ دار آ باہر ونجن

کل ڈرے ہوئے بال تے مستوراں ہن روندیاں کھڑیاں درتے
توں فوراً اپنا روپ بدل نہ بنڑ سلطانِ وفا توں
متاں پردہ دار آ باہر ونجن

.....

تیکوں سمجھ کے ضامن پردیاں دا متاں صبر دے بن ترٹ جانوں
عبّاس بھرا دی شکل بنڑا نہ ساڈے درد ودھا توں
متاں پردہ دار آ باہر ونجن

.....

جعفر ہنڑ او مظلوم وسن جو ہن جبریل کوں آہدے
توں روپ بدل کیوں جو وسدیاں نہیں میڈیاں بھینیں پاک بھراتوں
متاں پردہ دار آ باہر ونجن

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

آکھے محصومہ میکوں رستہ ڈیو میں بابے کوں گھن ویندی ہاں
اے ظلم دی بارش روک ڈیو
تساں ڈاڈھا زخمی کر چھوڑیائے میں تہاڈی منت کریندی ہاں

تساں اوکھا لہایائے زین اُتوں نہیں سر سجدے توں چا سنگدے
کیا گزری ہے لہندیں زین اُتوں نہیں کہیں کوں حال سنا سنگدے
ہے غش طاری مظلوم اُتے وَنج سر جھولی وِچ پیندی ہاں
اے ظلم دی بارش روک ڈیو

کل بدن ہے زخمی بابے دا ہے رُخ تے خون علیٰ اصغر دا
کیستی کمر شکستہ ہے غازی ہے جگر تے زخم علیٰ اکبر دا
اُنوں زین توں لتھن بہوں اوکھیں وَنج حال غریب دا چنیدی ہاں
اے ظلم دی بارش روک ڈیو

بابے دے سرتے آخری دم ہوندائے لازم ہونون دھیاں دا
 وقت آخری پا کے سر جھولی ہے لازم رونون دھیاں دا
 میڈے بابے دا وقت آخری ہے وَنَج ہتھ تے پیر بنڑیندی ہاں
 اے ظلم دی بارش روک ڈیو

توڑے آخری لمحے بھینیں وِچ میڈا بابا پاک نبھا گھنسی
 کجھ درد دھیاں دے سن گھنسی بھینیں کوں درد سنا گھنسی
 گھن ویندیاں خیمے بابے کوں تہاکوں واسطہ رب دا ڈیندی ہاں
 اے ظلم دی بارش روک ڈیو

جعفر صدقہ معصومہ دے ساڈے سائیں دا مقصد بر آوے
 ساڈا وارث پاک اے پوریکا گھن نال سکھاں دے گھر آوے
 کل سکھ ماڑے جو آہدی ہئی تہاکوں ول ول پئی سمجھیندی ہاں
 اے ظلم دی بارش روک ڈیو

﴿آمین یا رب العالمین﴾

الْحَمْدُ لِلّٰہِ وَ شُکْرًا لِصَاحِبِ الزَّمَانِ عَجَّلَ اللّٰہُ فَرَجَہُ الشَّرِیف

یا مولا کریم

﴿نوحہ پاک﴾

نہ کر اظہارِ غریبی دا میڈا ویرن پاک شبیرے
تنداں ویر غریب سڈوانویں توں جڈاں ٹر جاوی ہمشرے

.....

تساں ہوکا ڈیندے ہو غربت دا دل بھینیں دا ہل ویندائے
نہ غریب سڈا انہاں فوجاں وِچ ہنی سارے لوگ شریرے

.....

ہنٹریں تہاڈا سفر تاں مک ویسی تھیںسی بھین دا سفر شروع
چند لمحے ہن تہاڈے دنیا تے تھیوو نہ اتنے دگیرے

.....

وانگوں امڑی دے درباراں وِچ ہے بنڑ کے سوالی ونبجناں
توڑے توں نہ غربت ظاہر کر کرار دا لعل امیرے

.....

میں شام دے کل بازاراں وِچ ہے ونجناں گھن بھرجائیاں
تساں سبناں نال اتھاں سمہہ ویسو تہاڈی اپنی اے جاگیرے

.....

آسی جعفرؑ دا لچپال سخی ساڈی غربت دا مل پیسی
ہووے جلد او ظاہر چن تہاڈا کر آپ دعا چن ویرے

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللّٰهُ فَرَجَةَ الشَّرِيفِ

یا مولا کریم

﴿نوحہ پاک﴾

ذرا کر توں خوفِ خدا ظالم بابے تے ظلم وسا نہیں
رہی واسطے ڈیندی معصومہ ہوندا اتنا ظلم روا نہیں

.....

توں کلمہ گو سڈویندا ہیں اے پاک رسول دا بچڑا ہے
ایں حد یسین کوں اے ظالم بے دردی نال مٹا نہیں

.....

زخماں توں پر ہس جسم اطہر نہیں خالی کوئی وی جاہِ دُسدی
کتھاں ضرب چلیسیں توں ظالم زخماں وِچ زخم ودھا نہیں

.....

میڈی پھوپھیاں درتوں ڈیکھ رہیں ویرن دے آخری سجدے کوں
ہک سجدہ پورا کرن تاں ڈے دل بھینیں دے ازما نہیں

.....

اساں اُجڑ گیاں دا بابا ہے بھینیں دا پاک بھرا ہے اے
ساڈی نبھ ویسی پر پھوپھیاں دا کوئی جگ تے ہو رہیا نہیں

.....

جعفرؑ وس پووے معصومہ جیڑھی واسطے ڈیندی رہ گئی
رہی آہدی بارہویں ہادی کوں ہنڑ اتنی دیر توں لا نہیں

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللّٰهُ فَرَجَةَ الشَّرِيفِ

یا مولا کریم

﴿نوحہ پاک﴾

مظلوم دیاں ہیں اساں او بھینیں گئے چھوڑ جہاں کوں پاک بھرا
نہ کولھ آؤو ساڈے خیمیاں دے
ساکوں ناز ہا جئیں عباس اُتے ہے کر گیا ساکوں او تنہا

جو ہا ضامن ساڈے پردے دا ، او سمہہ گئے گرم زمیں تے
ہنڑ کوئی وی نہیں ساڈا دنیا تے ہک خالق تے سجاد سوا
نہ کولھ آؤو ساڈے خیمیاں دے

اساں دھیاں پاک رسول دیاں ہیں ساڈا وارث کوئی نہیں رہیا
اکبر توں بھی ڈھیر پیاری ہے ہر سین کوں اپنی پاک ردا
نہ کولھ آؤو ساڈے خیمیاں دے

جیندی آس تے ہن اساں سفر کیتے تساں ظلم دے نال لہایائے
 ہنڑ خیمے ٹھارن آ گئے ہو بے وارث سمجھ کے آل عبا
 نہ کولھ آؤو ساڈے خیمیاں دے

کچھ نونہاں پاک امیر دیاں ہن جیڑھیاں تازہ بیوہ ہوئیں
 ساڈے نال ہے بنری قاسم دی کرو کچھ تاں رسول دا شرم و حیا
 نہ کولھ آؤو ساڈے خیمیاں دے

جعفر انہاں سینیں دے بدلے گھنے سین دا آخری بچہ
 ہئی آہدی جیڑھی ظالماں کوں ساکوں چھوڑ گئے سلطان وفا
 نہ کولھ آؤو ساڈے خیمیاں دے

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

جڈاں الحافظ دی ہکل ڈتی میڈی سین نے وِچ صحرا دے
آیا زلزلہ وِچ اقصیٰ دے
جڈاں پہرے ڈیندیں ہواریں لڑھے آنسو عون دی ما دے

.....
ڈتا نجف کوں چھوڑ امیر ازل سن کے آواز ڈکھی دی
آج پہرے ڈیونے آگئے ہن میڈی دھی کوں بعد بھرا دے
آیا زلزلہ وِچ اقصیٰ دے

.....
ڈتا جنت البقیعہ چھوڑ ڈکھی ہوندائے ڈکھ دھیاں دا اوکھا
رُنی فدک دی مالک سین جڈاں کر کے احساس رِدا دے
آیا زلزلہ وِچ اقصیٰ دے

چھٹ پاک حسنؑ توں لحد گئی آئے روندے ہوئے کربل وِچ
 ڈٹھا پہرے ڈیندا سینؑ کوں جاں وانگوں سلطانِ وفا دے
 آیا زلزلہ وِچ اقصیٰ دے

.....

ڈٹھا سینؑ جاں سارے سبھاں کوں بن سارے صبر دے ترٹ گئے
 گل ما کوں لا رُنی عونؑ دی ما کر بخت دے موسم یادے
 آیا زلزلہ وِچ اقصیٰ دے

.....

جعفرؑ ایں شام غریباں دے کل ظلماں دے مل پونون
 جیڑھے ہر ہک ظلم تے تڑپ تڑپ رہیا روندنا خون سجا دے
 آیا زلزلہ وِچ اقصیٰ دے

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

میکوں پتر سجاد ڈسا ایں جاہ نہیں دفن کریندیاں مانواں
لاشاں جوان پتراں دیاں
کیا ہے دستور ایں نگری دا نہیں آ کے سہیندیاں مانواں

ساکوں امت اجازت نہیں ڈتی اکبر کوں دفن کرن دی
کیا جتنے پیارے لعل ہونون اتھاں نہیں دفنیدیاں مانواں
لاشاں جوان پتراں دیاں

اکبر کوں کفن پوانون دی ڈتی امت اجازت کوئے نہیں
کیا ایں جاہ تے مس لہندے ہن بے کفن رکھیندیاں مانواں
لاشاں جوان پتراں دیاں

ساکوں حکم دُتا ہے امت شقی کرو شام دی ہنڑ تیری
 ساڈے وانگوں چھوڑ کے باجھ کفن ہن اتھ ٹر ویندیاں مانواں
 لاشاں جوان پتراں دیاں

.....

کیا ایں نگری وِچ لاشاں کوں دفنانون جائز نہیں ہوندا
 کیا ساڈے وانگوں ایں شہر اِج کوئے نہیں کفنندیاں مانواں
 لاشاں جوان پتراں دیاں

.....

جعفرؑ او امڑی اکبرؑ کوں ول سگن دے سہرے پاوے
 جو پچھدی ہئی اتھاں باجھ کفن ہن خود رکھویندیاں مانواں
 لاشاں جوان پتراں دیاں

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

دیکھ ساڈا حال غازی
پے شامی لئے کے جاندن سانوں اپنے نال غازی

.....
میں کیویں نال جانواں اکبر دے قاتلاں دے
اکبر دی ماں ہے کردی ایہو سوال غازی

.....
ساڈے خیمے ٹھر گئے نے وارث وی ساڈا کوئی نہیں
دس کتھے لئے کے جانواں اے چھوٹے بال غازی

.....
عابد دی دیکھ حالت بھل جاندائے مینوں اکبر
رودنا ہے خون بہہ کے جدوں میرا لعل غازی

قاسم دی بیوہ بنری تینوں ہے رو کے کپھندی
تیرے بغیر ہے جانڑاں میرا محال غازی

.....

توں کر دعا وے بھائی جعفرؑ دا مولاً آوے
ویکھاں میں دشمنان تے تیرا جلال غازی

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللّٰهُ فَرَجَةَ الشَّرِيفِ

یا مولا کریم

﴿نوحہ پاک﴾

ٹر پئی دکھیا صحرا وِچ ویر سمہا کے
گئی روندی شام دے راہ وِچ ویر سمہا کے

.....

ہوئی شام جدوں تیاری ، چڑھ سکدی خود محمل تے
نہیں سکت سی عون دی ما وِچ ویر سمہا کے

.....

چن ویر دی سمجھ نشانی مقتل توں جان دے ویلے
پائے آنسو پاک ردا وِچ ویر سمہا کے

.....

جے ظلم سی امت وسائے ول وی صبراں دی ملکہ
رہ گئی مصروف دعا وِچ ویر سمہا کے

.....

خالق دے صبر دا کیتا بھر پور مظاہرہ بن وِچ
 رہ گئی پابند رضا وِچ ویر سمہا کے

.....

جعفرؑ وسے ہنڑ او بی بیؑ جنے رب دا بھرم بچایا
 امت دے جور و جفا وِچ ویر سمہا کے

.....

﴿آمین یا رب العالمین﴾

الْحَمْدُ لِلّٰهِ وَشُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيفُ

یا مولا کریم

﴿نوحہ پاک﴾

لکھاں شرماں نال شریف عابد ماحول توں نظر چرا کے
بازار عبور کریندن
جڈاں مانواں پھوپھیاں نال ہونون اکھیں شرم دے نال جھکا کے

.....
بازار شریفاں کوں جیکر مجبوریاں چھک گھن آنون
ہر واقف تے ناواقف توں ہر لحظہ نظر بچا کے
بازار عبور کریندن

.....
ہر اٹھدی اکھ بنڑ ہک نیزہ ہے جگر دے وچ لہہ ویندی
مجبور شریف نموشی نال ایویں پردہ دار رلا کے
بازار عبور کریندن

دھیاں بھینیں گھن کے شہر وچوں ہوندائے لنگھناں ڈاڈھا مشکل
 مجبور شریف جگر دے وچ غیرت دی قبر بنڑا کے
 بازار عبور کریندن

.....

نہ کرتوں دید ایس مجمع تے ساڈا نت محفوظ ہے پردہ
 مجبور شریف بازاراں وچ ہک آس کریم تے لا کے
 بازار عبور کریندن

.....

جعفرؑ وسے جگ تے او بی بی جو پتر کوں ہئی سمجھیدی
 میڈا لعل شریف تاں غیرت دے کل وزن جگر تے چا کے
 بازار عبور کریندن

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَةَ الشَّرِيفِ

یا مولا کریم

﴿نوحہ پاک﴾

سجاد آکھن رو پھوپھیاں کوں ایہو درد گیا ہم جگر کوں کھا
تھاڈیاں جتیاں شام نہ آنون ہا
اے سوچ کے ہاں میں رت روند میڈیاں پھوپھیاں کجا بازار کجا

اللہ دا حبیب وی اذن بناں تھاڈے ویٹھے وچ نہ آندے ہن
پھٹ جگر گئے میڈا غیرت توں جیکر سجاد دا وس لگدا
تھاڈیاں جتیاں شام نہ آنون ہا

عباس دے پہریاں وچ تھاڈی تطہیر دی زندگی گزری ہے
انہاں شام والے بازاراں وچ ڈتائے تہاکوں ظالم امت پھرا
تھاڈیاں جتیاں شام نہ آنون ہا

ہک وقت ہا تہاڈے ادب کنوں سوا پہر تے سورج لہہ گیا ہا
 ہتھ جگر تے رکھ کے روندنا ہاں اگوں مجمع ڈیکھ شرابیاں دا
 تہاڈیاں جتیاں شام نہ آنون ہا

.....

خالق دی رضا دی خاطر میں تہاکوں ہم بازاریں گھن آیا
 پر دل سجاد دا چاہندا ہا ، اے قافلہء تسلیم و رضا
 تہاڈیاں جتیاں شام نہ آنون ہا

.....

جعفر سجاد دے جگر دا ہنڑ ڈکھ ختم ہووے ساڈا سائیں آوے
 جو رو آہدے ہن شام دے وچ پچھو میڈے دل توں عون دی ما
 تہاڈیاں جتیاں شام نہ آنون ہا

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

کوئی وَجِ اصغرِ کون آکھے میں سارے درد نبھایاں
میڈا ویر توں شام نہ آنویں
متاں بھین کون ملن توں شام آنویں ، تہاکوں میں چن ویر رُکیساں

اے نگری ڈاڈھی ظالم ہے اِتھاں رہن دے قابل جاہ نہیں
ایں تنگ زندان دے وِچ تہاڈا کتھاں پینگھا اصغرِ لیاں
میڈا ویر توں شام نہ آنویں

جتھاں رہندے پئے ہیں ویر اساں ایں محل دی چھت وی کوئے نہیں
تہاکوں ایں ماحول اِچ ویر اصغر کیڑھے حال دے نال سمھایاں
میڈا ویر توں شام نہ آنویں

ہن جتنے ظالم کربل دے او بیٹھن شام اِچ آئے
 بے ول اے جڑ گئے ظلم اُتے تہاکوں کیویں ویر بچیاں
 میڈا ویر توں شام نہ آنویں

اِتھاں رون تے ہن پابندیاں ، ہن بولن تے پابندیاں
 تہاکوں ویر سمہانوں دے کیتے کیویں لعل میں لوری ڈیاں
 میڈا ویر توں شام نہ آنویں

جعفرؑ معصومہ وس پووے ول بابے پاک دے سائے
 جیڑھی آہدی ہئی میں درداں وِچ پئی کلہیں وقت کٹیاں
 میڈا ویر توں شام نہ آنویں

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

سجاد بھرا میڈے کفن اُتے چا نام لکھا علیٰ اصغر دا
میکوں سکھ ملسی وچ تربت دے لکھ نام بھرا علیٰ اصغر دا

.....

میڈے کفن دے وچ توں چن ویرن رکھ کوئی تاں نشانی اصغر دی
احسان چا کر معصومہ تے کجھ ہجر مٹا علیٰ اصغر دا

.....

زندہان اچ ویر دے روون دی نمھی ویرن سدھر لہا سنگی
تلقین دی جاہ تے ہنڑ ویرن میکوں حال سنا علیٰ اصغر دا

.....

نہ ہتھ ڈے میڈیاں اکھیاں تے ایندے عیوض اے احسان چا کر
میڈے رُخ تے خون آلودہ چا ہنڑ چولا پا علیٰ اصغر دا

.....

اصغر دے بغیر تاں قبر دے وچ میکیوں ہرگز نہ آرام آسی
میڈا ویر توں میڈی تربت کوں چا پنگھا بنڑا علیٰ اصغر دا

.....

جعفر اے معصومہ اَج توڑیں منگدی ہے دعا میڈا بارہواں چن
توڑے ہنڑ تاں دُکھی کوں خوش بچپن ول آن دُکھا علیٰ اصغر دا

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

لوریاں میکوں ویر اصغر دیاں یاد آنون تاں نندر نہیں آندی
پاک امڑی جاں علیٰ اصغر دا نام چانون تاں نندر نہیں آندی

.....

مامتا بیقرار کردی ہے میکوں جھولی دے وِچ چا پیندے ہن
وانگوں اصغر دے پاک امڑی جاں جھولی پانون تاں نندر نہیں آندی

.....

جے سمہانون دے کیتے پاک امڑی پا کے جھولی دے وِچ میکوں ویرن
لوری میڈے صغیر ویرن دی بہہ سنڑانون تاں نندر نہیں آندی

.....

میں سمہن دا ارادہ کردی ہاں درد سارے سجاگ تھی ویندن
سارے منظر اکھیں دے وِچ چھ کے جاں رُونون تاں نندر نہیں آندی

.....

یاد آندائے جڈاں صغیرؑ اپنا لوریاں ویندین آ ہونٹاں تے
امڑی اصغرؑ دی پاک لوری کوں گنگنائون تاں نندر نہیں آندی

.....

او معصومہ ولا وسے جعفرؑ جیڑھی آہدی ہئی شام وِچ رو کے
یاداں ڈینہ رات سوہنٹریں ویرن دیاں آ ستانوں تاں نندر نہیں آندی

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

رو آکھے معصومہ کوئی وَنج کے آکھے اے سلطانِ وفا کوں
یا کربل وَچ گھن جانوں ، یا آ کے وطنِ پچانوں
نہیں شام دی نگری اس آئی ہک پل وی آلِ عبا کوں

.....
زندان دے وَچ وی اتھ ظالم ہر ظلم روا ہن رکھدے
کرنی گزرانِ اتھاں آ گئی ہے دُکھاں درداں نال اسا کوں
یا کربل وَچ گھن جانوں ، یا آ کے وطنِ پچانوں

.....
دشمن دے شہرِ اِچ بھینیں کوں نہیں کلہیں ویر چھوڑیندے
گستاخان دے ماحولِ وِچوں توڑے ہنڑ تاں عونِ دی ما کوں
یا کربل وَچ گھن جانوں ، یا آ کے وطنِ پچانوں

نہیں لوگ شریف ایں نگری دے ، اے ہن عباس دیاں بھینیں
 جیویں پئی نبھدی ہے کوئی وَنَج کے آکھے سین دے پاک بھراکوں
 یا کر بل وَچ گھن جانوں ، یا آ کے وطن پچانوں

.....

ہن پیشیاں نت درباراں دیاں اگوں ہن دربار شرابی
 بے وارثاں وانگوں روندیاں ہن ، سہہ ہر ہک جور و جفاکوں
 یا کر بل وَچ گھن جانوں ، یا آ کے وطن پچانوں

.....

جعفر معصومہ اَج توڑیں ہے شام اِج وین کریندی
 چن ویر ڈکھی دے شام وچوں ، توڑے ہنڑتاں میں دکھیاکوں
 یا کر بل وَچ گھن جانوں ، یا آ کے وطن پچانوں

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

اِس شام دے وِچ جو قید ہونون کیا ویر رہا او تھیندن
میکوں عابد ویر ڈسا توں
یا ٹر ویندن رو رو کے یا زندان دے وِچ دفنیدن

جیڑھا نور محل ساکوں ملیا ہے اتھاں بال تاں نہیں رہ سگدے
کیا اے جہیں اوکھی قید دے وِچ معصوم کہیں دے جیندن
میکوں عابد ویر ڈسا توں

جیڑھے شام دے قیدی ہوندے ہن، کیا وطن وی واپس ویندن
یا قیدیاں دے زنداں وِچوں ویرن تابوت چویندن
میکوں عابد ویر ڈسا توں

کیا سارے قیدیاں تے ویرن ایہو جتنے ظلم کریندن
 کیا اتنے ظلم دے بعد وی او جیون دے لائق ڈسیندن
 میکوں عابد ویر ڈسا توں

.....
 اِتھاں میڈا ہے جیون ناممکن مہمان میں ہاں چند ڈینہ دی
 کیا قیدیاں دے منہ ڈیکھن کوں اِتھاں وارث وی سڈویندن
 میکوں عابد ویر ڈسا توں

.....
 کیا میڈے ٹرن دے بعد میڈا منہ ڈیکھن بابا آسن
 کیا بابے کوں میں مل گھنساں ، کیا اے آثار ڈسیندن
 میکوں عابد ویر ڈسا توں

.....
 جعفرؑ او معصومہ وس پونون ، جو ویر توں ہن رو پچھدے
 بالاں دے میت ایں شہر دے وِچ کیا چولیاں وِچ کفنیدن
 میکوں عابد ویر ڈسا توں

.....
 ﴿آمین یا رب العالمین﴾

الْحَمْدُ لِلّٰہِ وَ شُکْرًا لِصَاحِبِ الزَّمَانِ عَجَلَ اللّٰہُ فَرَجَہُ الشَّرِیف

یا مولا کریم

﴿نوحہ پاک﴾

سجّاد بنزائی سجدہ گاہ رو رو کے خاک شفا دی
آکھن ایں مٹی وِچ خوشبو ہے سلطانِ کرب و بلا دی

.....

ڈیساں خاک شفا کول انجہ بوسہ جیویں چمنائے ہتھ غازی دا
تھیںسی پاک نماز دے وِچ تازہ خوشبو سلطانِ وفا دی

.....

اکبر دی قربت دا ساکوں احساس نماز اِچ ملسی
بنڑ ویسی عبادت عابد دی آسی یاد جاں پاک بھرا دی

.....

رکھساں رُخسار جاں خاک اُتے میکیوں پیار اصغر دا ملسی
ہوسی شامل اوندے لمس دے وِچ کجھ یاد لٹی ممتا دی

.....

بابے دے آخری سجدے دی تصویر نظر جاں آسی
میڈی ڈاڑھی وی کر سرخ ڈیسی وس کے برسات حنا دی

.....

جعفرؑ جڈاں سجدہ گاہیں تے سر رکھی کوئی بھی مومن
ساڈے ویڑھے پاک دے وس دی خود کرسی تاکید دعا دی

.....

﴿آمین یا رب العالمین﴾

الْحَمْدُ لِلّٰهِ وَ الشُّكْرُ لِصَاحِبِ الزَّمَانِ عَجَلَ اللّٰهُ فَرَجَةَ الشَّرِيفِ

یا مولا کریم

﴿نوحہ پاک﴾

میں ویر تہاکوں ملن آئی ہاں بھرجائیاں نال رلا کے
میں قبر دی جاہ نہیں منگدی
پردیسی ہاں ایتھوں ٹر ویساں تہاڈی تربت کوں گل لا کے

اے نگری ہے میڈے اکبر دی میڈا حق ہے ایں نگری وچ
لیکن چن ویرن ایں موقعے کوئی اپنا حق جتلا کے
میں قبر دی جاہ نہیں منگدی

ادھ دی بھائیوال ہاں کربل وچ اے سوچ نہ میڈا ویرن
میں سب کچھ ڈے کے اکبر کوں کل حصیاں توں ہتھ چا کے
میں قبر دی جاہ نہیں منگدی

اِس واسطے عون و محمدؑ کوں میں باہر دفن کرایائے
جاگیر دا مالک اکبرؑ ہے آئی ہاں جوڑی باہر سمہا کے
میں قبر دی جاہ نہیں منگدی

.....

ساکوں سمجھ مسافر ہک ڈو ڈینہ ڈے رہن دی رُخت ویرن
میں شام دا ملک وسانوناں ہے ، نواں اپنا وطن بنڑا کے
میں قبر دی جاہ نہیں منگدی

.....

جعفرؑ اے بی بیؑ وں پونون جو ویر کوں رو فرمیندن
میکوں تربت کوں گل لانون ڈے ، ٹر ویساں نیر وہا کے
میں قبر دی جاہ نہیں منگدی

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

میڈا وعدہ ہے نال معصومہ دے میں واپس شام دو جانوناں ہے
اتھاں کرن زیارت آئی ہاں
تساں خوش رہو نال انہاں پتراں دے میں دھیاں کول گل لانوناں ہے

پر دیس ایچ کلہیں دھیاں کول نہیں شریف ٹکا کے ٹر ویندے
میڈی دھی رہ گئی ہے شام دے وچ ہی اوندے چنتے تڑپیندے
ہک کمسن دھی دے نال میں اُتھ محشر تائیں وقت نبھانوناں ہے
اتھاں کرن زیارت آئی ہاں

او پتر تاں نہیں میڈیاں دھیاں ہن ایہو درد جگر کول ہم کھاندا
دھیاں پر دیس دے وچ ہونون مانواں کول نہیں آرام آندا
میڈیاں ڈو دھیاں ہن شام دے وچ میکوں چین ذرا نہ آنوناں ہے
اتھاں کرن زیارت آئی ہاں

دھیاں دے سرتے ما بنڑ کے میں شام دے اندر رہ جاساں
 جڈاں تہاڈا بارہواں چن آسی تہاڈیاں دھیاں نال میں دل آساں
 ہنڑ تاں مہمان مسافر ہاں کجھ دل دا درد سنڑا نوناں ہے
 اتھاں کرن زیارت آئی ہاں

تساں پتر سمہائے ہن نال اپنے نو ہے دھیاں کوں ڈتی قبر دی جا
 میڈی اکبر باجھ تاں نبھ ویسی کیویں دھیاں چھوڑ ڈیواں تنہا
 میں ما ہاں ، دھیاں نال اپنا ونج شام کوں وطن بنڑا نوناں ہے
 اتھاں کرن زیارت آئی ہاں

جعفرؑ انہاں سین دیاں دھیاں دا پر درد وچھوڑا مک جاوے
 ہنڑ نال پھوپھی دے وطن اُتے انہاں سینیں کوں سخی گھن آوے
 او سینؑ وسن جو آہدے ہن نہ کوئی اپنا حق جتلا نوناں ہے
 اتھاں کرن زیارت آئی ہاں

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَةَ الشَّرِيفِ

یا مولا کریم

﴿نوحہ پاک﴾

نہی منگدی ویر میں چن اکبر ایہا بھین کوں ویر دعا ڈے
 میکوں عابد پتر نصیب ہووے
 تہاڈی بزم دی زینت اکبر ہے نہی آہدی لعل ولا ڈے

ہک وقت ہا میڈے ویڑھے وچ ہن پتراں نال بہاراں
 ہنڑ آہدی ہاں آپ کوں وسن دے کل اوسو ہنڑیں خواب بھلا ڈے
 میکوں عابد پتر نصیب ہووے

کر بل دی نگری ما بنڑ کے میڈے جھولی لعل سمہائے ہن
 باقی ہک رہ گئے کولھ اُجڑی دے ایہا ویر دعا فرما ڈے
 میکوں عابد پتر نصیب ہووے

ایندی خضر توں ہووے ودھ زندگی سکھ صحت دے نال گزارے
 ہو آسرا ہے کل ویڑھے دا ، لکھ ہونون بخت تہاڈے
 میکوں عابد پتر نصیب ہووے

.....

لک لک کے مانواں پھوپھیاں توں بہہ خون ہے روند اُبد
 میکوں چنتا ہے ایندی زندگی دا میڈے لعل دی عمر ودھا ڈے
 میکوں عابد پتر نصیب ہووے

.....

میں لکھ کھٹیاے میکوں تچ پووے تہاڈی دستار دا وارث
 نہ رووے خون اے لعل تیڈا سجاد توں اے منوا ڈے
 میکوں عابد پتر نصیب ہووے

.....

جعفر اے بی بی آج ڈیکھن سجاد دا وسدا ویڑھا
 جو ویرکوں رو کے آہدے ہن ، نت ڈیکھاں سیت تہاڈے
 میکوں عابد پتر نصیب ہووے

﴿آمین یا رب العالمین﴾

الْحَمْدُ لِلّٰہِ وَ شُکْرًا لِصَاحِبِ الزَّمَانِ عَجَلَ اللّٰہُ فَرَجَہُ الشَّرِیف

یا مولا کریم

﴿نوحہ پاک﴾

ستونجھا محل گھن گئی ہم آئی ہاں کتنے بچا توں خود گنڑ گھن
تھاڈے جتنے بچن ہن واپس آئے میڈا پاک بھرا توں خود گنڑ گھن

.....

اَسّی 80 مستوراں گھن گئی ہم ناہی شام دا سفر اے راس آیا
ہن کتنے مستورات آج آئے ڈساں ویر میں کیا توں خود گنڑ گھن

.....

کر بل وچ بال بتالی 42 ہن ، ست شام غریباں کم آئے ہن
ہن کتنے راہیں دفن کیتے رو عون دی ما توں خود گنڑ گھن

.....

میڈیاں کل بھرجائیاں بیوہ ہن ، کل جھولیاں خالی ہن ویرن
بن مانگ دے کتنے سر ڈسدن ، میڈا ویر ذرا توں خود گنڑ گھن

.....

میڈا بھریا گھر تھی خالی گئے بیٹھی روندی ہاں کیوں وطن وںجاں
گھن کتنے جی میں وطن وںجاں ہی کیا بچیا توں خود گنڑ گھن

.....

جعفرؑ اے سینؑ ہنڑ وطن اُتے کل پور کوں واپس گھن آوے
ہن آہدے جو راہیں کتیاں میں آئیاں قبریں بنڑا توں خود گنڑ گھن

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

آکھے ما قاسم دی غازی کوں میں ایں جاہ چن پر نایا ہا
میڈا لعل نہ واپس آیا ہا
ڈتی امت نہیں مہلت گولن دی اتھ میں نوخیز ونجایا ہا

بہوں عرصے بعد رہا تھیاں گھن اپنی نونہہ کوں نال آئی ہاں
تھاڈی ایں نگری وچ میں غازی چن پتر کوں سہرا پایا ہا
میڈا لعل نہ واپس آیا ہا

میکوں گول ڈیو میڈا چن بنرا میڈا تیرہاں سال دا پوریہا ہا
بہوں حسرت نال میں ڈکھاں وچ اونکوں بنرا آپ بنڑایا ہا
میڈا لعل نہ واپس آیا ہا

ہا سہرے خیموں پا ٹریا ، ہئی مہندی سگن دی لا ٹریا
میں کھارے چڑھانوں بھیجیا ہا انجہ کھارے امت چڑھایا ہا
میڈا لعل نہ واپس آیا ہا

.....

اونکوں آکھو نال ہنڑ بنری دے جلے وطن ولا ، میڈا مان ولے
ہک لٹھے کیتے میں اونکوں بہوں حسرت نال سجایا ہا
میڈا لعل نہ واپس آیا ہا

.....

جعفرؑ ایں بیوہ امڑی کوں خوشی پاک بہو دی مل جاوے
جو آہدی ہئی جڈاں بنرے کوں میں سہرہ آپ بدھایا ہا
میڈا لعل نہ واپس آیا ہا

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

سرتاج میڈا دل چاہندا ہا تہاکوں آ معصوم ملائواں ہا
میں کمسن دھی چائی آنواں ہا
میکوں اذن جے ڈیندا لعل عابد جتنے بھی اوکھ نبھانواں ہا

نہ کلہی شام دے وِچ راہوے ، میں ماہاں میکوں بہوں چنتائے
توڑے پندھ ہا شام دا بہوں اوکھا اونکوں ہر صورت پہنچانواں ہا
میں کمسن دھی چائی آنواں ہا

بالاں کوں چیندیں مانواں کوں تکلیف نہیں تھیندی دل ٹھردائے
تھاڈے وانگوں سارے رستے وِچ سینے تے آپ سمہانواں ہا
میں کمسن دھی چائی آنواں ہا

مدت دی ترس دی ممتا کوں میڈا آقا مل تسکین ویندی
 معصوم دی لاش کوں اصغر دی جڈاں لوری بہہ سنوآواں ہا
 میں کمسن دھی چائی آنواں ہا

.....
 نہیں اذن ڈتا میکوں چن عابد اوندی قبر کوں گل لاٹر آئی ہاں
 وس لگدا تاں نال اصغر دے اوندی آ کے مزار بنڑاواں ہا
 میں کمسن دھی چائی آنواں ہا

.....
 جعفر ہنڑ ایں معصومہ کوں ول بابا ملاوے حسن دا چن
 جیندی پاک امڑی روآ ہدی ہئی جیڈے ڈکھ آندے میں چانواں ہا
 میں کمسن دھی چائی آنواں ہا

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

ہوندائے پانی زندگی مچھلی دی ، ساڈی خمیاں وچ زندگی ہئی
 ڈتی زندگی ہے اُمت مُکا ویرن
 جڈاں قدم خیام توں باہر آئے ہن میڈی ٹر ہر بھین گئی ہئی
 اجاں میں وی ہاں زندہ کیا ویرن

ساڈے شام دے پاسے چن ویرن اتھوں پاک جنازے گئے ہن
 کر کوچ گئی ہئی جئیں ویلے اتھوں ہر مستور ٹری ہئی
 ڈیواں کیڑھا حال بیا ویرن

تھاڈیاں بھینیں واپس نہیں آئیاں ساڈیاں لاشاں واپس آئیاں
 ایں واسطے واپس آئیاں ہیں ، آہدی ہر سین دی دھی ہئی
 ساکوں آپ ہنٹر کفن پوا ویرن

تیڈا عابد شام توں پھوپھیاں دے تابوت ولا گھن آیائے
 بازار وُجھن دے بعد وی کیا زندگی دی رمت بچی ہئی
 ساڈی لاش کوں مونڈھا لا ویرن

.....
 لٹوا کے خیمے وحدت دے ساڈی کل زندگی مک گئی ہئی
 تساں لاشاں چایا کین پتراں دیاں ہر بھین تیڈی چاہندی ہئی
 ساڈیاں لاشاں ای وطن پچا ویرن

.....
 جعفرؑ ایس سین دے پردے دامل پاوے آ کے بارہواں سائیں
 غازی دی مزار کوں گل لا کے جیڑھی رو رو کے آہدی ہئی
 ساکوں وطن تے ہنڑ پہنچا ویرن

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

عبّاس تہاڈا جابر نے جڈاں حکم سنایاے خوش تھئی ہاں
تساں اپنا سمجھ کے بھینیں تے جڈاں حکم چلایاے خوش تھئی ہاں

.....

دل ٹھر گئے میڈا جاں ڈھم تہاڈے حکم اتھاں پئے چلدے ہن
اتھاں راج ہے علماں والے دا، جابر جاں ڈسایاے خوش تھئی ہاں

.....

تہاڈی نگری وسدی ڈیکھ کے ہنڑ میکوں بھل گئے درد بازاراں دا
بہوں ادباں نال آ جابر نے تہاڈا نام جو چایاے خوش تھئی ہاں

.....

تہاڈی نگری ہے اے شام تاں نہیں اساں گالھ نہیں اے محسوس کیتی
سچ آہدیاں ساریاں بھینیں کوں جابر جاں ٹرایاے خوش تھئی ہاں

.....

بھینیں دا دل تاں چاہندا ہے ہووے قائم حکومت بھائیاں دی
 میکیوں وسدا ویلھا آج جابر جڈاں یاد ڈیوایاے خوش تھی ہاں

.....

جعفرؑ او بھین زمانے تے ڈیکھے راج ہنٹر علماں والے دا
 جو آہدی ہئی ساکوں محمل توں جابر جاں لہایاے خوش تھئی ہاں

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

جو کارواں ہے سرحد کرب و بلا تے آ گیا
بابے دی پگ دا وارث ہے قیداں نبھاتے آ گیا

جابر تیں میڈا حکم ہے سجاد کوں سنڑوا ڈتا
بابے دے غم دے وچ ہے جو خاکاں روا تے آ گیا

نعلین جیڑھی سین دی کعبہ آہی عباس دا
محمل اوں میڈی سین دا ہیں توں کھڑاتے آ گیا

میڈا حکم سنڑوا کے ہے سینیں کوں تیں ٹروا ڈتا
تیڈی وجہ توں حرف ہے میڈی وفا تے آ گیا

ہر سینّ ہے محمل اُتوں ہنڑ لہہ پئی اے سوچ توں
سجاد کوں ہیں خون توں جابر رواتے آ گیا

.....

اعلان ہو جعفر ایہو ، خضرا دا جیوے شہنشاہ
وطنان تے کل ہم ڈاڈیاں ہے خود وساتے آ گیا

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

ہر قدم تے علماں والے دا کل بھینیں نام جاں چیندیاں ہن
بہوں روندیاں ہن

کیویں غازی ادب کریندا ہا ہک بئی کوں یاد ڈیویندیاں ہن

.....

ہن آہدیاں ساڈے سبھاں کوں رب جانڑے کیس دفنایا ہا
بے کفن غریباں دے لاشے جئیں ویلے یاد کریندیاں ہن
بہوں روندیاں ہن

.....

جڈاں دید مزار تے پوندی ہے کئی ڈکھ تازے تھی ویندے ہن
جڈاں سینیں ہک ہک تربت کوں وَنچ درد کنوں گل لیندیاں ہن
بہوں روندیاں ہن

.....

عیوض مس لہندے پتراں دے گل لیندیاں رو قبراں کوں ہن
 گل قبر کوں لا جڈاں پتراں کوں بہہ حسرت نال سڈیندیاں ہن
 بہوں روندیاں ہن

.....

ہر پاک مزار تے سفر اں دے حالات سنا کے گل سینیں
 بازار دیاں گستاخیاں دی جڈاں بہہ تفصیل سنڑیندیاں ہن
 بہوں روندیاں ہن

.....

جعفرؑ انہاں سینیں دے سارے ڈکھ مک جانوں ساڈا سائیں آوے
 آج توڑیں بارہویں بچڑے کوں کل ڈاڈیاں آپ سڈیندیاں ہن
 بہوں روندیاں ہن

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَةَ الشَّرِيفِ

یا مولا کریم

﴿نوحہ پاک﴾

لگی ضربِ مرتضیٰ کوں تقدیرِ روندی رہ گئی
وِچ گھر دے پاک ما دی تصویرِ روندی رہ گئی

ظالمِ کیتی جسارتِ سید دے پاک سر تے
ہک ضربِ لا ، لہو خود شمشیرِ روندی رہ گئی

سجدے دے وِچ سخی تے شمشیرِ چلدی رہ گئی
روحِ نماز تھی کے دلگیرِ روندی رہ گئی

بابے تے جھڑ کے جسدِ شبیرِ وین کیتا
اے وین سن کے گھر وِچ ہمیشہ روندی رہ گئی

مسجد دے در تے سینیں جڈاں وال کھول رُنیاں
قرآن تڑپدا رہیا ، تطہیر روندی رہ گئی

.....

جعفرؑ ایں گھر دی قسمت رہی ہے نت دعائیں منگدی
صدیاں ہے ایں دعا دی تاثیر روندی رہ گئی

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

کرو رُخصت اپنے بابے کوں اَج میڈی رات اخیر دی ہے
غازی دے سپرد ہے اَج کولھوں جیڑھی ہر چادرِ تطہیر دی ہے

.....

کل دھیاں آ کے بابے توں چموا گھنو چادراں رج رج کے
ٹراں دھیاں چھوڑ کے کوفے وِچ ایہا مرضی ذاتِ قدیر دی ہے

.....

آوے غازی کولھوں بابے دے اونڈے مونڈھے چمناں چاہندا ہاں
کیوں جو اَج توں ایندے ہتھ دے وِچ کل عزتِ پاک امیرِ دی ہے

.....

میں چاہنداں ہتھ نپ دھیاں دے ڈیواں عباس دے ہتھ دے وِچ
کیوں جو ایندے شباب دے آسرے تے ہر چادر ہر ہمیشیر دی ہے

.....

شالا گھر دا مانڑ سلامت رہے ایندا علم ہمیش بلند راہوے
 رہے ہر دُکھ توں محفوظ سدا عبّاسِ اِچ جند شبیرِ دی ہے

.....

جعفرِ اے گھر آباد ہونون عبّاسِ دعائیں اے منگدے ہن
 میڈی سینِ وسے اے بہوں خواہش پردے دے ضامن ویر دی ہے

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

کیس رنگ دی مسجد وچ بابا تساں کر کے نماز ادا آئے ہو
ہئی کیسی نماز جو مسجد وچ تساں پیشانی زخما آئے ہو

.....

تساں رب دے خانہ زاد ہاوے، اے ہا رب دا گھر اوند ا سجدہ ہا
تہا کوں سجدے وچ کیتائے کیس زخمی اے حالت عجب بنڑا آئے ہو

.....

جیکوں وجہ اللہ قرآن آکھے، جیکوں راسِ رسول نبیؐ آکھن
تہاڈا چہرہ رب دا چہرہ ہا لہو نال جیکوں رنگوا آئے ہو

.....

جیڑھی ریش سفید ہو خالق بھی اوندی تعظیم کریندا ہے
تہاڈی ریش ہئی عزت وحدت دی اینکوں وی خضاب لوا آئے ہو

.....

پگ ہوندی ہے عزت مرداں دی اے پگ دستارِ رسالتِ ہنسی
کیڑھے ملعون توں پگ اپنی ٹکڑے ٹکڑے کروا آئے ہو

.....

جعفرؑ دے وارثؑ خود آ کے تہاڈے سارے بدلے گھننے ہن
ساکوں ڈسدائے بارہویں لعل کیے تہاں گھروچ کرن دعا آئے ہو

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللّٰهُ فَرَجَهُ الشَّرِيف

یا مولا کریم

﴿نوحہ پاک﴾

پھل و سدرے ڈیکھ کے حسن اُتے عباس جلالِ اچ آ نہیں
اساں صبر دے نال گزارنی ہے
ساکوں ویر وصیت صبر دی ہے عباس توں جوش ڈکھا نہیں

جیویں ٹکڑے حسن دا جگر تھیاے اونویں میڈا جگر ہے زخمی
میڈے زخمی جگر کوں ایں موقعے میڈا غازی توں ازما نہیں
اساں صبر دے نال گزارنی ہے

پئی بارش و سدی ہے تیراں دی تابوت کوں واپس گھن جل
لگ کفن اچ ستر تیر گياے بیا بدن ایندا زخما نہیں
اساں صبر دے نال گزارنی ہے

ساکوں ویرِ حسنِ اے کل گالھیں ہن قبل از وقت ڈسائیاں
 کر ویر توں عمل وصیت تے جوشِ اِچ تلوار اٹھا نہیں
 اساں صبر دے نال گزارنی ہے

تاہوت کوں گھر وِچ گھن جاؤ پھل چھکن غریب دیاں بھینیں
 ساکوں خالق نے مظلوم بنڑائے توں غازی نیر وہا نہیں
 اساں صبر دے نال گزارنی ہے

جعفرؑ ایں حسنِ کوں ول وسدا ڈیکھے شبیرؑ جہاں تے
 جو آہدے ہن اتھاں تیغ چلے اے خالق دی منشا نہیں
 اساں صبر دے نال گزارنی ہے

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

کل بھینیں حسنِ دی لاش اُتوں پیٹھیاں زخمی کفن ہٹیندیاں ہن
بہوں روندیاں ہن

پھل جیڑھے امت وسائے ہن او ڈیکھ کے نیر وہیندیاں ہن

.....

بنی ہاشم دیاں مستوراں وِچ کھرام بپا ہے ڈسدا
ہک ہک مستور کوں ظلم دے پھل رو رو کے آپ ڈکھیندیاں ہن
بہوں روندیاں ہن

.....

ہن آہدیاں ویر دے جسم وچوں پھل نال آرام دے چھکن
بھینیں چن ویر دا ہک ہک پھل جڈاں درداں نال چھکیندیاں ہن
بہوں روندیاں ہن

.....

پھل ستر کفن توں باہر آئے ہن ہے کفن وی سرخ نظر دا
جڈاں ویر دے زخمی کفن اُتے کل بھینیں نظر کریندیاں ہن
بہوں روندیاں ہن

.....

قاسم دی امڑی نال بیٹھائے میڈی سین دا کمن بچڑا
پھل جاں کوئی جسم توں باہر آندائے معصوم توں آپ لکیندیاں ہن
بہوں روندیاں ہن

.....

جعفر پھل چا کے ہتھیاں تے کل سینیں نال حسرت دے
نہ بدلے کوں تاخیر ہووے ، جس وقت دعا فرمیندیاں ہن
بہوں روندیاں ہن

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

جڈاں لاشِ حسنِ دی واپس آئی پچھیا ما توں قاسم آ کے
میڈے بابے کوں کیا ہوئیائے
کیوں روضہ نبوی توں واپس آئے ہن تابوت کوں چا کے

میڈی معصوم یتیمی تے کیوں ترس نہیں امت کوں آیا
کیوں واپس بھیجیا ہے امت مظلوم دا تن زخما کے
میڈے بابے کوں کیا ہوئیائے

تساں سارے لاش دے چوگردوں کیوں کھول کے وال ہو روندے
کیوں امت شقی نے بھیجیا ہے انہاں پھلاں نال سجا کے
میڈے بابے کوں کیا ہوئیائے

بابے دے کفن دا رنگ یکدم تھی سرخ گیا ہے سارا
 کیوں آئے ہن بابا کفن اپنا گھر وچ رنگین کرا کے
 میڈے بابے کوں کیا ہو یائے

.....

کیا ایں نگری وچ لاشاں نال سلوک ایہو ہے تھیندا
 ہے پچھدا بیوہ امڑی توں چن قاسم نیر وہا کے
 میڈے بابے کوں کیا ہو یائے

.....

جعفرؑ او چن آباد ہووے ول بابے پاک دے سائے
 جنیں رو رو پچھیا امڑی توں رُخ پاک توں کفن ہٹا کے
 میڈے بابے کوں کیا ہو یائے

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

صبراں دی مملکت دا ہے سجاد تاجدار
با بے دی پگ دا وارث ہے ، غیرت دا ہے وقار

.....

عبّاس دے جلال دا کامل نمونہ ہے
وِچ جوش دے ہے فاتح خیبر دی یادگار

.....

نازک مزاجیاں تے نفاست دی شان ہے
وِچ حسن دے ہے آلِ محمد دا شاہکار

.....

اکبرتوں ودھ کے سونہڑیں جواں ہن اے پاک ذات
پر کر ڈٹائے ضعیف مصائب دے بارے بار

.....

پھوپھیاں دا شام ونبناں کمر کوں جھکا گیا
 ڈاڑھی سفید کر ڈتی ہئی شام دے بازار

.....

جعفرؑ ساڈا سخی جاں مکیسی انہاں دے غم
 راہسی نہ ول ضعیف ایں ، کربل دا اے بیمار

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

غیرت دے صدے توں رہیا سجاد دا جاری لہو اکھیاں کنوں
غیرت کنوں بازار دے صدے کیتا جاری لہو اکھیاں کنوں

حیرٹھی گلی دے موڑ تے ہوندا ہئی رش مخلوق دا غیرت کنوں
ہر موڑ تے بازار وِچ اُمت ڈٹھا جاری لہو اکھیاں کنوں

اکبر دے سینے دا زخم یاد آ گیا ہا سین کوں بازار وِچ
غش کر گئی جسم ڈٹھا اکبر دی ما جاری لہو اکھیاں کنوں

پھوپھیاں تے مانواں نال ہن گستاخ مجھے دے وِچوں کیتا گزر
تہوں عمر بھر سجاد دا ہر دم رہیا جاری لہو اکھیاں کنوں

عبّاس دے جذبات دی تصویر کوں ہا صبر کرنا آ گیا
برداشت تاں ہن کر گئے لیکن تھیا جاری لہو اکھیاں کنوں

.....

جعفر ساڈے ایں دور دا سجاد بھی روندائے لہو غیبت دے وِچ
خالق ہنڑ ایں مظلوم دا ڈیوے رُکا جاری لہو اکھیاں کنوں

.....

﴿آمین یا رب العالمین﴾

الْحَمْدُ لِلّٰهِ وَ الشُّكْرُ لِصَاحِبِ الزَّمَانِ عَجَلَ اللّٰهُ فَرَجَةَ الشَّرِيفِ

یا مولا کریم

﴿نوحہ پاک﴾

کوئی آکھے عوں دی امڑی کوں منہ لعل دا ڈیکھن آنون
اکھیاں دا خون رُوکانون
پیا کفن دے وِچ ہے رت رونا آ لعل کوں صبر ڈیوانون

تہاکوں ڈٹھا ہا وِچ بازاراں دے پھٹ جگر گیا ہا چن دا
اوہو خون ہے جاری غیرت دا ایندا حوصلہ آن ودھانوں
اکھیاں دا خون رُوکانون

ممکن ہے تہاڈے آنون نال آ صبر سجاد کوں جاوے
ما بنڑ کے اپنے پچڑے دا آ سر جھولی وِچ پانوں
اکھیاں دا خون رُوکانون

جڈاں مانواں آن کے پتراں کوں گل لانون دُکھ بھل ویندن
 ایں کفن اِچ روندے بچڑے کوں ہک واری آ گل لانون
 اکھیاں دا خون رُوکانون

.....

پردے دے درد دا کفن دے وِچ نہیں اثر ذرا گھٹ ہویا
 کل پھوپھیاں آ کے پیار کرن متاں درد ایندے گھٹ جانوں
 اکھیاں دا خون رُوکانون

.....

سجّاد دی پگ دے وارث کوں جعفرؑ اے عرض کریندائے
 او ڈاڈے پاک کوں بدلے دا ہنڑ منظر آن دُکھانوں
 اکھیاں دا خون رُوکانون

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

میڈا باقر لعل توں جانڈا ہیں میکیوں کیڑھا دردِ جگر ہے
ایں زہر توں ڈھیر تاں غیرت دا میڈے جگر تے لعل اثر ہے

.....
جیڑھا جام پلایائے آج امت ایندی تلخی ہے معمولی
ایسے لکھ جاماں توں ودھ کے بازار دا ہک منظر ہے

.....
کربل توں گھن کے شام تائیں ساکوں امت جو جام پلائین
اوں ہر ہک جام کنوں بچڑا اے زہر بہوں بہتر ہے

.....
پھٹ جگر گیا ہا جنیں ویلے بازار ڈٹھے ہن عابد
میکیوں شام نے خون روا ڈٹائے تہاکوں ساری لعل خبر ہے

ہم حسرت عوں دی امڑی اَج میڈا سر جھولی وِچ پیندی
متاں کوئی آوے ، دروازے تے اَج میڈی لعل نظر ہے

.....

جعفر سجاد دے درداں دا مل پاوے حسن دا جانی
اِس چن دی خوشی دی تانگھ دے وِچ میڈی سین دا سارا گھر ہے

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

فرمایا امام باقرؑ نے ساڈے ٹرن دی ہنٹر رُت آئی ہے
اے زہر آلودہ خلعت ہے ہشام جیڑھی بھجوائی ہے

اینڈے زہر دے اثر توں جسم ساڈا کر یکدم رنگ تبدیل ویسی
اساں سمجھ کے مرضی خالق دی پڑھ اِناللہ پائی ہے

آؤ دھیاں ساریاں کولھ میڈے کراں رَج کے پیار میں ہک ہک کوں
ہسے ترائے ڈینہ دے مہمان اساں ساکوں بابے خبر سنائی ہے

ساکوں فدک دی مالک سین آہدن آؤ جلدی ساڈی جھولی وِچ
تساں ساری زندگی لعل میڈا بہوں درداں نال نبھائی ہے

تساں بچپن وِچ بازار ڈٹھن ، ڈٹھائے روندنا شہر اِچ ڈاڈیاں کوں
اواہا اوندی زہر ہے اِج جیڑھی تہاڈے سارے جسم تے چھائی ہے

.....

رو آکھن جعفرُ صادق کوں ، تہا کوں پارت ہے کل بھینیں دی
سا کوں عونُ دی ماہن گھنن آئے ، بیاناں اُنہاں دے دائی ہے

.....

جعفرُ وسے لعل اے عابد دا جیکوں زہر توں ودھ اے صدمہ ہا
وَنج ظالماں دے دربار ڈٹھن کیوں سینُ دی ہر بھر جائی ہے

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

جب لاشیں دو ہیں پھر ان کا کیوں اک تابوت بنایا ہے
اک لاش ہے بنت محمدؐ کی اور اک ان کا سرمایا ہے

.....
ماں کی آغوش میں تھا محسنؐ جب بی بی گئیں دروازہ پر
اس پر بے رحم لعینوں نے کیوں بالکل ترس نہ کھایا ہے

.....
دروازہ گرایا امت نے ہوا ماں کی گود میں یہ زخمی
کہتے ہیں کہ اس معصوم کو بھی اک زخم جبین پر آیا ہے

.....
کمن بہنوں کی گود میں بھی محسنؐ جی بھر کے کھیلا نہیں
نہ ہی بابا پاک نے بیٹے کو بچوں کی طرح بہلایا ہے

ماں بیٹے کی ہیں دو لاشیں یہ دونوں شہید ہیں امت کے
شہید کو بچپن میں اصغر تقدیر نے آج دکھایا ہے

.....
لَا أَسْأَلُكُمْ فرمایا گیا ، کی جن کی مَوَدت فرض گئی
پھر اجر رسالت دینے کو کیوں ظلم کا رنگ اپنایا ہے

.....
جعفرؑ ہو اِن کا اب بدلہ میرے بارہویں آقاؑ آ جائیں
یہ ماں کی گود میں پھر کھیلے جسے بچپن راس نہ آیا ہے

.....
﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

جڈاں غاڑی آوے دنیا تے میڈی طرفوں پیار کراہے چا
میڈے پاروں بازو چم اوندے میڈے ڈھیر سلام ڈیواہے چا

.....

جئیں رنگ وچ امت لعین میکوں ہے خالی ولایا مسجد توں
تساں چم پیشانی غاڑی دی اے سارا حال سناہے چا

.....

اے آکھ ڈیواہے بھینیں کوں درباراں وچ نہ ونجن ڈیویں
ہوندائے اکھا کم دربار ونجن میڈی طرفوں اے سمجھاہے چا

.....

میڈی زندگی وچ تہاڈیاں بھینیں تے نہ سوال دی نوبت آوے چن
ہے رواج اتھ خالی ولانوں دا عباس کوں صاف ڈساہے چا

.....

اتھاں خالی لوگ ولیندے ہن دربارِ اِچ ڈھیر کھڑیندے ہن
پہلو وی چا زخمیندے ہن ، میڈے سارے درد کھلاہے چا

.....

جعفرؑ دا جاں آوے پاک سخی ، میڈے بدلے غازی خود گھنسی
میڈے بدلے گھٹن ، پتراں کوں ، تساں سارے یاد ڈیواہے چا

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللّٰهُ فَرَجَةَ الشَّرِيفِ

یا مولا کریم

﴿نوحہ پاک﴾

تساں میڈے کسن محسن دی نہ وکھری قبر بنڑا ہے
میڈی تربت وچ تساں کسن کوں میڈے نال چا دفن کرا ہے

.....
میں لوری ڈیاں کسن کوں تربت وچ آپ سمہیساں
ایندا جھولا سمجھ کے قبر میڈی معصوم کوں آپ سمہا ہے

.....
میڈا لعل ہے نازک پھلاں توں لگی ظلم دی ضرب شدیدے
نہ ہنڑ امڑی توں دور تھیوے اتنا احسان لوا ہے

.....
شبیر جیویں چن اصغر کوں چا اپنے نال سمہیسی
اساں ما پتراں دی لحد ہکا ایں جاہ تیار کرا ہے

اِس لعلِ تاں اپنی امڑی توں نہیں رنج کے پیار کرایا
اِس چار مہینے دے چن کوں میڈے نال تساں دفنا ہے

.....

جعفرؑ دا وارثؑ جاں آسی اونکوں محسنؑ لعلِ ڈکھساں
ایدا خون آلودہ کفن تساں نہ ابوالحسنؑ بدلا ہے

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

محسنِ دی لاش کوں سینِ میڈی پا جھولی وِچ فرمایا
محسنِ شہید ہو گئے
اصغرِ دی امڑی جتنا وی نمی چن کوں کھیر پلایا

سمجھانوں آئی ہم امت کوں میں جھولی وِچ کسں پا کے
گستاخ امت دروازہ ہے بے دردی نال گرایا
محسنِ شہید ہو گئے

دروازہ آندا ڈیکھ کے میں ہر کوشش تاں ہئی کیتی
میڈا پاسہ زخمی ہویا ہے ہمی جتنا لعل بچایا
محسنِ شہید ہو گئے

بہوں نازک ہا اے لعل میڈا لگی طاق دی ضرب شدیدے
میڈے ہتھوں جھنڑ گئے لعل میڈا ہے فضہ آن کے چایا
محسنؑ شہید ہو گئے

میڈی زندگی ہئی نال ایں چن دے میں ونجائے نال ایں چن دے
ما پتراں کوں ہے امت شقی رل کے چا شہید کرایا
محسنؑ شہید ہو گئے

جعفرؑ میڈے محسنؑ دا بدلہ میڈا بارہواں لعل آ گھنسی
راہسی خون آلودہ کفن گواہ تہوں کفن میں نہیں بدلایا
محسنؑ شہید ہو گئے

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

جیڑھی بھین دے مانڑ بھرانواں دے ڈیوے امت مکا اوند کیا جیون
جیندا وسدا گھر ڈیوے کر خالی بے رحم قضا اوند کیا جیون

.....

جیڑھے ویر دے پاک شباب دی چھاں ہووے آس غریب دی زندگی دی
اوندے مس لہندے کون گھوڑے توں ڈیوے امت لہا اوند کیا جیون

.....

ہک وقت ہووے جیکوں ویڑھے وچ مسکاندے نظرن چن ویرن
جیندی قسمت وچ ڈکھ بھایاں دے لکھے آپ خدا اوند کیا جیون

.....

جیندے چن توں سوہنٹریں ویر ہونون ودی سکدی ہووے ہک ہک کون
جیندی زندگی کر ویران ڈیوے ڈکھ بھایاں دا اوند کیا جیون

.....

جیندا باقی بچ ہک ویر ونجے اوندا حال نہ ہووے ڈیکھن دا
 جیندا اکھیں ڈھدیں رت رووے بیمار بھرا اوندا کیا جیون

.....

جعفرؑ سلطانِ زمانہ کوں آج تائیں اے سینؑ ہے رو آہدی
 جیڑھی بھین دا اکبرؑ ویر جیہاں ہووے ویر جدا اوندا کیا جیون

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

ذرا سوچ توں میڈا چن اکبر کیویں جیواں باجھ بھرانواں دے
میڈے درداں تے کر آپ نظر کیویں جیواں باجھ بھرانواں دے

.....

میڈا بھریا گھر ہا بھائیاں توں میڈا ویڑھا خالی تھی گیا ہے
میکوں کھانوں آندائے خالی گھر کیویں جیواں باجھ بھرانواں دے

.....

تھاڑے پاک شباب دے سائے تے جیڑھی زندگی ہئی اوہا زندگی ہئی
کیا اے زندگی ہے انصاف تاں کر کیویں جیواں باجھ بھرانواں دے

.....

ہامی سر تے سایا بابے دا ، چاچے عباس دا دامن ہئی
ہوندا جھولی وچ ہا چن اصغر کیویں جیواں باجھ بھرانواں دے

.....

لگ نظر گئی ہے میڈے بختاں کوں تہاڈے ہجر ضعیف ہے کر ڈتا
گئی ہے جھک بچپن وچ میڈی کمر کیویں جیواں باجھ بھرانواں دے

.....

جعفرؑ ایں بھین کوں ویر ملے جیڑھی آخری وقت ہئی رو آہدی
بند نظر ہن آندے کل ہم در کیویں جیواں باجھ بھرانواں دے

.....

﴿آمین یا رب العالمین﴾

الْحَمْدُ لِلّٰهِ وَ الشُّكْرُ لِصَاحِبِ الزَّمَانِ عَجَلَ اللّٰهُ فَرَجَةَ الشَّرِيفِ

یا مولا کریم

﴿نوحہ پاک﴾

میڈا کمسن مہدی لعل ڈسا کیویں کر ہر رسم ادا آیا ئیں
کیویں لعل جنازہ بابے دا وِچ دشمنناں دے پڑھوا آیا ئیں

.....

میں لعل تہادی امڑی ہاں تساں باہر ہاوے میں درتے ہم
پگ کیویں لعل یتیمی دی میڈا لعل توں آپ بدھا آیا ئیں

.....

سارا ماحول مخالف ہا تہاڈا وِچن وی لعل ضروری ہا
ایسے ماحول اِچ بابے کوں میڈا لعل کیویں دفنا آیا ئیں

.....

تہاکوں بابے کیتے لعل میڈا کہیں شخص نے وی پرچایا ہا
یا اپنے سارے درداں کوں کمسن جھولی وِچ پا آیا ئیں

میڈی بیوگی دا چن آسرا ہیں آ پاک امڑی کوں گل چا لا
میڈے رونون دی لہہ سدھر ونجے توں لعل تاں سدھر لہا آ یا نیں

.....

جعفرؑ اے امڑی بچڑے دیاں خوشیاں ڈیکھے ول وس پووے
آکھے چم پیشانی بچڑے دی کیویں سوہنڑاں تاج سجا آ یا نیں

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿دُعا پاک﴾

یارب ہنڑ تاں پوری ہووے ساری آلِ عبا دی حسرت
سارے گھر کوں وسدا ڈیکھن ہے اے شاہ شہدا دی حسرت

.....

چن علی اکبر سہرے پاوے بھین توں پلوں آن بدھاوے
صدیاں دی اے پوری ہووے خالق بھین بھرا دی حسرت

.....

کرب و بلا دے ہک ہک ظلم دے ہنڑ تاں سارے قرض چکانون
پوری کر توں خالق ہنڑ تاں اے سلطانِ وفا دی حسرت

.....

چن علی اصغر پاک امڑی دی جھولی مانڑے لوری مانڑے
بہوں عرصے توں پوری تھئی نہیں کیوں اصغر دی ما دی حسرت

.....

ڈیکھ کے بنری پاک دیاں خوشیاں آہدی ہے نت ما بنرے دی
بیوہ بہو دے پاک ہتھیں دی صرف ہے پاک حنا دی حسرت

.....

جعفرؑ دا ہنڑ وارث آوے لٹیاں خوشیاں ول مل جانوں
خالق ہنڑ تاں پوری کر چا ساڈے شاہ خضر دی حسرت

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللّٰهُ فَرَجَةَ الشَّرِيفِ